

玉海



040

1000:54

34862

上海卷第一百三十四

浚儀王應麟伯厚甫

官制

人物

袁宏曰。百姓不能自牧。故立君以治之。明君不能獨治。則爲臣以佐之。宗匠陶鈞而群才緝熙。元首經略而股肱肆力。

黃帝三公

又見官制

七輔

帝王世紀。黃帝以風后配上台。天老配中台。五聖配下台。謂之三公。其餘知天規紀地典力牧常先封胡。

孔甲等或以爲師或以爲將

張衡傳師天老而友地

兵陰陽有地典六篇

晉志黃帝置三公之秩以親黎元少昊

配九扈之名以爲農正

史記注鄭元曰風后黃帝

三公也

論語擗輔象黃帝七輔風后天老五聖知

命窺紀地典力

堯九職

說苑君道篇當堯之時舜爲司徒契爲司馬禹爲司空后稷爲田疇夔爲樂正倮爲工師伯夷爲秩宗臯陶爲大理益掌歐會堯知九職之事使九子者各受其事皆勝其任以成九功

堯舜八師 堯九佐 舜七友七佐 湯

三輔 湯二臣 周五佐五臣

楚辭東方朔七諫雖有八師而不可爲王逸注八師
謂禹稷高臯陶伯夷垂益夔也言堯舜有聖賢之臣
八人以爲師傳 戰國策顏觸曰堯有九佐舜有七

友禹有五丞湯有三輔注舜七友雜陶

一作方回續

牙古今人表作身柏陽東不訾秦不虛靈甫也

見陶潛聖賢羣輔錄尸

子止載六人古今人表止五人皇甫士安逸士傳載七子

淮南子道應訓堯之

佐九人舜之佐七人武王之佐五人注堯九佐謂禹

臯稷契夷僮益夔龍也舜七佐與堯同武王五佐謂

太公周召畢毛也

孔叢子孔子曰聞諸老聃昔者

魏叔闕天太顛散宜生南宮适五臣同寮比德以贊

文武

古今人表義伯中伯注師古曰湯之二臣

舜四士

五臣

三后

唐虞九賢

周

三后

管子法法篇舜有天下禹爲司空契爲司徒臯陶爲

季后稷爲田此四士者精一德以事君 論語舜有

臣五人而天下治注孔曰禹稷契臯陶伯益

晉書

江統上書虞舜以五臣興周文以四友隆

書呂刑

乃命三后恤功于民伯夷隆典折民惟刑禹平水土

主名山川稷降播種農殖嘉穀三后成功惟殷于民
畢命惟周公克謹厥始惟君陳克和厥中惟公禪克
威厥終三后協心同底于道 新序唐虞崇舉九賢
布之於位而海內大康 吳志步隲上疏舜命九賢

禹七佐 湯七佐 四佐 七大夫

鬻子禹政第_六禹得臯陶杜子業得既子黜得季子
寧得然子堪子玉得七大夫以佐其身而天下治湯
政第_七湯得慶誦伊尹涅里且東門虛南門蠕西門
疵北門側得七大夫佐以治天下而天下治 說苑
君道篇湯問伊尹曰三公九卿二十七大夫六十一

元士知之有道乎對曰昔者堯見人而知舜任人然後知禹以成功舉之明君在上設四佐以自輔有英俊以治官

管子堯之五更五官立五厲之祭祭堯之五吏

禹五佐

呂氏春秋得陶化益真窺橫革之交五人佐禹故功績銘平金石著於盤盂 荀子成相篇禹傅土平天下不云得益臯陶橫革直成爲輔

臯陶九德

書臯陶謨臯陶曰亦行有九聽寬而果柔而立愿而

恭亂而敬撓而毅直而溫簡而廉剛而塞疆而義彰
厥有常吉哉日宣三德夙夜浚明有家日嚴祗敬六
德亮采有邦翕受敷施九德咸事俊又在官百僚師
師注三德六德九德之中有其三有其六也 立政
周公曰有夏迪知忱恂于九德之行成湯乃用三宅
克即宅曰三有俊克即俊嚴惟丕式克用三宅三俊
文王武王克知三有宅心灼見三有俊心注湯能用
剛柔正直三德之俊

湯左右相

孟子注春秋傳曰仲虺居薛為湯左相是則伊尹為

右相故二人等德也蘇朱湯賢臣一曰仲尼是也

殷六臣

書君奭公曰我聞在昔成湯既受命時則有若伊尹
格于皇天在太甲時則有若保衡伊尹在大戊時則
有若伊陟臣扈格于上帝巫咸又王家在祖乙時則
有若巫賢在武丁時則有若甘盤注伊尹至甘盤六
臣佐其君循惟此道以安治有殷

文王五臣

書君奭惟文王尚克脩和我有夏亦惟有若輔叙有
若闕天有若散宜生有若泰顛有若南宮适注五臣

文王爲胥附奔走先後禦侮之任

文王四臣

四友

夫子四方

尚書太傳文王以閔夭太公望南宮适散宜生爲四友夫子曰文王得四臣吾亦得四友自吾得回門人益親是非疏附耶自吾得賜遠方之士日至是非奔走耶吾得師也前有先後有輝是非先後耶吾得由也惡言不至於耳是非禦侮也又見孔叢子

文選

注周書孔子曰文王得四臣

詩縣正義者與注云詩傳說有疏附奔走先後

禦侮之人而曰四臣周書經人四佐注胥附禦侮奔走先後

左傳昭二年季武

子賦縣之卒章注義取文王有四臣

釋文謂大顛閔天散宜生南宮

是以韓子比四輔

釋文謂先後奔
未詳附案傳

孟子注太公望

呂尚也散宜生文王四臣之一也呂尚有勇謀而爲
將散宜生有文德而爲相 晉江統傳虞舜以五臣
興周文以四友隆

武王十臣

書泰誓中予有亂臣十人同心同德

論語武王曰

予有亂臣十人孔子曰有婦人焉九人而已注馬曰

亂治也治官者十人謂周公旦召公奭大公望畢公

榮公太顛闢天散宜生南宮适其一人謂文母書注

劉敞以爲子無臣母之義蓋

邑姜也九五節於邑姜治內

武王五佐

呂氏春秋武王之佐五人

文選五臣茲六注引之

注五人周公

旦召公奭太公望畢公高蘇公忿生也

周八虞 八士

晉語文王詢於八虞注卽周有八士皆在虞官

唐固賈遠云

論語周有八士鄭元以爲周公相成王時生

賈遠以爲

文王時劉向馬融以爲宣王時

周書武寤解尹氏八士太師三公

歲作有績和寤解王乃厲翼于尹氏八士注武王賢

臣 古今人表八士在中上等

周三七

荀子堯問篇周公謂伯禽之傅曰吾所執贄而見者
十人還贄而相見者三十人貌執之士百有餘人欲
言而請畢事者千有餘人於是吾僅得三士焉以正
吾身而定天下吾所以得三士者亡於十人與三十
人中乃在百人與千人之中

明接士不廣
無由得賢也

魯八儒

韓非子顯學第五十自孔子之死也有子張之儒有
子思之儒有顏氏之儒有孟氏之儒有漆雕氏之儒
有仲良氏之儒有公孫氏之儒一無有樂正氏之儒
公字自墨子之死也有相里氏之墨有相夫氏之墨有鄧

陸氏之墨故孔墨之後儒分爲八墨離爲三陶潛筆

入二子沒後散於天下設於中國成百氏之源輔錄

經紀之儒居環堵之室專門圭竇屬繩樞併日而

食以道自居者有道之儒子思氏之所行也衣冠中

動作順大遜如慢小遜如偽者子張氏之所行也顏

氏傳詩爲道爲諷諫之儒孟氏傳書爲道爲跡通致

遠之儒漆彫氏傳禮爲道爲恭儉莊敬之儒仲梁氏

樂爲道以和陰陽爲移風易俗之儒樂正氏傳春

秋爲道爲屬辭比事之儒公孫氏傳易爲道爲潔淨

精微之儒

鄭七穆

左傳鄭七穆罕駟國良游豐印穆公十一子子然二

不爲卿故唯

言七穆

魏三士

新序白圭曰魏文侯師子夏友田子方敬段于木名號顯榮者三士翊之也

齊四臣

史記齊威王與魏惠王會田於郊魏王曰齊國亦有寶乎齊王曰無有寡人國雖小尚有徑寸之珠照車前後各十二乘豈以齊大國而無寶乎齊威王曰吾臣有檀子者使守南城則楚人不敢寇東取泗上十二諸侯皆來朝吾臣有盼子者使守高唐則趙人不敢東漁於河吾吏有黔夫者使守徐州則燕人祭北門趙人祭西門徙而從者七千餘家吾臣有種首者

備盜賊則不拾遺此四臣者將照千里豈特十二

乘哉惠王有慚邑

陶淵明集聖賢羣輔錄以爲齊威王疆場四臣漢應奉上疏梁惠

王偉其照乘之珠齊威王答以四臣

漢三傑

高紀五年夏五月置酒維陽南宮上曰夫運籌帷幄之中決勝千里之外吾不如子房鎮國家撫百姓給餉餽不絕糧道吾不如蕭何連百萬之衆戰必勝攻必取吾不如韓信此三者皆人傑也吾能用之新
言曰漢祖驂三龍而乘雲路振長策而驅天下

漢四皓

漢書漢興有園公綺里季夏黃公角里先生此四人者當秦之世避而入商雒深山高祖聞而召之不至呂后用留侯計使皇太子卑辭東帛致禮安車迎而致之注師古曰四皓稱號本起於此

漢三儒

循吏傳序文景時循吏如河南守吳公蜀守文翁之爲皆謹身帥先居以廉平孝武之世唯江都相董仲舒內史公孫弘兒寬居官可紀三人皆儒者通於世務明習文法以經術潤飾吏事天子器之弘寬至三公

漢七相五公

班固傳西都賦南望杜霸北眺五陵冠蓋如雲七相
五公注七相謂丞相車千秋長陵人黃霸王商並杜
陵人韋賢平當魏相王嘉並平陵人五公謂田蚡爲
太尉長陵人張安世爲大司馬朱博大司空並杜陵
人平晏爲司徒韋賞爲大司馬並平陵人

李善注公
御史大夫

將軍通稱也張湯蕭望之馮奉
世史丹徒杜陵杜周徒茂陵

楊氏四公震秉賜

彪楊賜傳云三葉
宰相五登來職

袁氏四世五公安敞湯逢隗

韋平父子至宰相

漢武宣名臣

公孫弘傳贊曰公孫弘卜式兒寬皆以鴻漸之翼困於燕爵遯跡羊豕之間非遇其時焉能致此位乎是時漢興六十餘載海內乂安府庫充實而四夷來賓制度多闕上方欲用文武求之如弗及始以蒲輪迎枚生見主父而歎息群士慕嚮異人並出卜式拔於芻牧弘羊擢於賈孺衛青奮於奴僕日磾出於降虜斯亦曩時版築飯牛之朋已漢之得人於茲爲盛儒雅則公孫弘董仲舒兒寬篤行則石建石慶廣直則汲黯卜式推賢則韓安國鄭當時定令則趙禹張湯文章則司馬遷相如滑稽則東方朔枚臯應對則嚴

馬朱買臣歷數則唐都洛下閎協律則李延年運籌則桑弘羊奉使則張騫蘇武將率則衛青霍去病受遺則霍光金日磾

武帝凡二十有七人

其餘不可勝紀是以典

造功業制度遺文後世莫及孝宣承統纂修洪業亦講論六藝招選茂異而蕭望之梁丘賀夏侯勝韋元成嚴彭祖尹更始以儒術進劉向王褒以文章顯將相則張安世趙充國魏相丙吉于定國杜延年治民則黃霸王成龔遂鄭弘召信臣韓延壽尹翁歸趙廣漢嚴延年張敞之屬

宣帝凡二十有四人

皆有功迹見述於世

參其名臣亦其次也

王褒頌聖主得賢臣

漢山西將

趙充國傳贊曰秦漢已來山東出相山西出將將軍
白起鄆人王翦頻陽人漢興郁郅王圍甘延壽義渠
公孫賀傳介子成紀李廣李蔡杜陵蘇建蘇武上邽
上官桀趙充國襄武廉褒狄道辛武賢慶忌皆以武
勇顯聞蘇辛父子著節此其可稱列者也

凡十有五人

漢中興將帥

岑馮賈傳論中興將帥立功名者衆矣惟岑彭馮異
建方面之號自函谷以西方城以南兩將之功爲大
若馮賈之不伐岑公之義信乃足以感三軍而懷敵

人故能剋成遠業終全其慶也 贊元侯淵謨明啓
帝畧子翼守溫蕭公是埒陽夏膠東竒鋒震敵岑公
義信克成遠業吳公龍驤風行巴梁虎牙猛力功立
睢陽宮俊休休是以鷹揚好時經武能畫能兵期啓
燕門霸水虜河祭遵好禮臨戎雅歌任邳識幾嚴城
解扉純植義發奉兵佐威悃悃安豐奉圖歸忠李通
豪瞻舍家從識王常知命功惟帝念卓茂款款情慤
德滿

漢河西五守 潁川四長

陶潛羣輔錄河舊五守武威 金城 張掖

苞

酒泉

竺僧

燉煌

辛彤

共推竇融爲河西大將軍東

伐隗囂

後循吏傳潁川四長當塗

荀淑

羸

韓詔大

丘

陳寔

林慮

鍾皓

皆潁川人以誠篤使人不欺

通

監威帝永壽二年尚書選能治劇者以詔爲羸長與同郡荀鍾陳皆以德政稱時謂潁川四長

漢東京士

左雄傳論順帝備元纁束帛以聘南陽樊英天子降寢殿設壇席尚書奉引延問失得於是處士拂巾在褐以金旌車之招矣若李固周舉之淵謨弘深左雄黃瓊之政事正固且焉揚厚以儒學進崔愛馬融以

文章顯吳祐蘇章种暘樂巴牧民之良幹龐參虞詡
將帥之宏規王龔張皓虚心以推士張綱杜喬直道
以糾違郎顛陰陽詳密張衡機術特妙東京之士於
茲盛焉凡二
十八人

漢涼州三明 江表虎臣

傳段穎字紀明與皇甫威明規張然明真並知名顯

達京師稱爲涼州三明贊曰山西多猛三明儷蹤注前

書曰秦漢以來山東出相山西出將吳志評凡此諸將皆江表虎臣

程普黃蓋韓當蔣欽周泰陳武董襲甘寧凌統徐盛

潘璋丁奉

漢三賢

韓愈作後三賢贊王克王符仲長統

漢二十四賢

羣輔錄魏文帝旌表二十四賢杜喬張奐向詡陳蕃
施延李膺朱寓杜密韓融荀爽房植姜肱陳球王暢
申屠蟠張儉鄭元冉瑒李固郭泰朱穆魏少英徐穉
皇甫規明帝述撰其狀 見明帝令及甄表狀

蜀漢三傑 四英

三國志傳幹曰劉備寬仁有度能得人死力諸葛亮
達治知變正而有謀而爲之相張飛關羽勇而有義

能萬人敵而爲之將此三者皆人傑也以劉備之畧
三子之才何爲不濟傳子華陽國志蜀人以諸葛
亮蔣琬費禕董允爲四相號四英

三國名臣

袁宏傳爲三國名臣頌云云

文選三國名臣序贊

云云魏志九人蜀志四人吳志七人共二十人荀彧

字文若諸葛亮字孔明周瑜字公瑾荀攸字公達龐

統字士元張昭字子布袁煥字曜卿蔣琬字公琰魯

肅字子敬崔琰字季珪黃權字公衡諸葛瑾字子瑜

徐邈字景山陸遜字伯言陳羣字長文顧雍字元歎

夏侯元字泰初虞翻字仲翔王經字承宗陳泰字元伯

唐文章三變

文藝傳序唐有天下三百年文章三變高祖太宗大
難始夷汾江左餘風故王楊爲之伯元宗好經術崇
雅黜浮則燕許擅其宗大曆正元間美才輩出韓愈
唱之柳宗元李翱皇甫湜等和之唐之文爲一主法
此其極也若侍從酬奉則李嶠宋之問沈佺期王維
制冊則常袞楊炎陸贄權德輿王仲舒李德裕言詩
則杜甫李白元稹白居易劉禹錫譎恠則李賀杜牧

李商隱皆卓然以所長爲一世冠 梁肅云唐二百
載文章三變初則陳子昂以風雅革浮侈次則張說
以宏茂廣波瀾天寶以還李員外蕭功曹賈常侍獨
孤常州比肩而作

沈約云自漢至魏四百餘年辭人才子文體三變相
如形似二班情理子建仲宣氣質

唐開元三傑

見御詩類 富嘉謩吳少微魏谷倚北京三傑

唐三賢

元德秀傳李華兄事德秀而友蕭頰士劉迅作三賢論

日德秀當以道紀天下迅當以六經諧人心穎士當以中古易今世德秀欲齊愚智迅感一物不得其正穎士呼吸折節而獲重祿不易一刻之安使德秀據師保之位乃見其仁迅被卿佐服居賓友謀諮治亂根原乃見其妙穎士當廢興去就乃見其節然各有病元病酒劉病賞物蕭病貶惡太丞獎能太重

隋大業間房李魏公同師文中子司空圖爲三賢贊
文粹

唐四夔

崔造傳永泰中與韓會盧東美張正則三人友善自

謂王佐才故號四夔

韓愈集云其義以爲道可與古之夔臯者侔

唐轅門二龍

唐書開元中烏承恩承玘爲平盧元鋒號轅門二龍

陳翽撰忠武公

郭子儀也

將佐畧錄副佐三十三人

大將二十七人官至宰相者七人節度使二十八人

尚書丞郎京尹十人廉察使五人

所書六十人而顯名於世蓋五十人

蕭言得其六七如杜鴻漸黃裳李光弼光顏之徒偉爲各世志翽爲郭令公家傳八卷書目十卷將佐畧并人名在內第九卷行狀第十卷將佐畧

唐三俊

李紳傳紳爲翰林學士與李德裕元稹同時號三俊

封爵

書曰五服之章天所以命有德禮曰以賢制爵記
曰以爵崇德傳曰爵不踰德蓋先王封爵必以賢
德者稱之非人主可私也故主嘉曰王者代天爵
人尤宜謹之

舜賞爵有功

商頌長發疏中侯握河紀說堯云斯封稷契皋陶
姓號是堯封之也考河命說舜之事云褒賜

禹有功稷契臯陶益土地是舜益地爲大國也自其
以上大國百里握河紀注云稷契公也公卽周禮三
公入命其出封加一等然則堯封契已應百里舜又
益之者以有大功特如棄賜如周賜魯衛之屬帝王世紀
云舜褒賜羣臣尊任伯禹稷契臯陶皆益地

夏五等爵 殷三等爵 周五等爵

周五爵

王制王者之制祿爵公侯伯子男凡五等諸侯之上
大夫卿大夫上士中士下士凡五等天子之三公之
國視公侯卿視伯大夫視子男元士視附庸注此地

殷所因夏爵三等之制殷爵三等公侯伯也周武王
 初定天下更立五等之爵增以子男猶因殷之地以
 九州為界尚狹也周公致太平始斥大九州之界公
 五百里侯四百里伯三百里子二百里男百里見大司徒
 所因殷之諸侯以其功黜陟之其不合者皆益地為
 百里周世有爵尊而國小號爵卑而國大者唯天子
 畿內不增以祿羣臣不主為治民正義夏玉帛萬國
 若不百里七十五里則不得為萬國殷微子箕子
 是畿內采地之爵元命包云周爵五等象五精春
 三等象三光說者以為文家爵五等質家爵三等

書輯五瑞修五禮五玉豈復三等乎禮緯含文嘉云
殷爵三等夏亦三等案考經夏制而云公侯伯子男
是不爲三等也殷以前大夫以上有爵周士亦有爵
五等者虞下及周制殷則三等

禮職方氏

云云

正

義王制公侯方百里伯七十里子男五十里此夏制
五等爵三等受地殷湯因之合伯子男爲一惟有公
侯伯三等爵三等受地周武王增以子男爵地與夏
同周公斥大九州九州方七千里五等之爵五等受
地公惟有二王後及東西伯虞虢舊是殷之公至周
仍守百里國以無功故也

書武成列爵惟五分土

惟三注爵五等公侯伯子男正義周禮大司徒諸公
 之地方五百里侯四百里伯三百里子二百里男百
 里蓋周衰諸侯相併妄為說耳 史記三王世家曰
 周爵五等春秋三等注鄭元曰孔子變周之文從殷
 之質合伯子男以為一 漢地理志周爵五等而土
 三等蓋千八百國而太昊黃帝之後唐虞侯伯猶存
 王莽傳周爵五等地四等有明文公一等侯伯二
 等子男五等附庸四等殷爵三等有其說無其文
 注
 公
 伯子男三等 揚子周建子弟列名臣班五爵 陸
 機五等論五等之制始於黃唐

湯制爵祿

晉地理志 成湯敗桀於焦遷鼎於亳伊摯仲虺之徒
大明憲典王者之制爵祿公侯伯子男凡五等八州
州有二百一十國天子之縣內百里之國九七十里
之國二十有一五十里之國六十有三凡九十三國
名山大澤不以班餘以爲閑田凡九州千七百七十
三國 同王制 王制注祿所受食爵秩次正義總記
三王制度 陸士衡五等論成湯親照夏之鑑五等
之禮不革於時 陳氏曰有爵者必有祿有祿不必
有爵庶人在官有非爵也而其祿有差 葉氏曰祿

以詔功爵以詔德制其等則自公至以下士爵之名也自天子之田方千里至庶人之在官者祿之差也徐氏曰祿爵二柄聖主所以辨儀等定名分立綱維

周班爵祿

孟子萬章北宮錡門曰周室班爵祿也如之何

注問周家

班列爵祿等差

孟子曰其詳不可得聞也諸侯惡其害已也

而皆去其籍

注今周禮司祿之官無其職是諸侯去之故不復存

孟子時諸侯兼國愈廣

受祿逾制齊方百里者十

然而軻也嘗聞其畧也

魯百里者五是以去籍

天子一位公一位侯一位伯一位子男同

王制則合

一位凡五等君一位卿一位大夫一位士一位中

士一位下士一位凡六等

諸侯有君道有臣道有君道故與天子同爲五等有

臣道故與其臣又同爲六等

天子之制地方千里公侯皆方百里

伯七十里子男五十里凡四等不能五十里不達於

天子附於諸侯曰附庸

春秋雜傳類

天子之卿受地視

侯大夫受地視伯元士受地視子男大國地方百里

君十卿祿卿祿四大夫大夫倍上士上士倍中士中

士倍下士下士與庶人在官者同祿祿足以代其耕

也

自君以下所食之祿皆助法之公田籍農夫之力以耕而收其租士之無田庶人在官者但受祿於

官如田之入而已

次國地方七十里君十卿祿卿祿倍大夫

大夫倍上士上士倍中士中士倍下士下士與庶人
在官者同祿祿足以代其耕也小國地方五十里君
十卿祿卿祿二大夫大夫倍上士上士倍中士中士
倍下士下士與庶人在官者同祿祿足以代其耕也
耕者之所獲一夫百畝百畝之糞上農夫食九人上
次食八人中食七人中次食六人下食五人庶人在
官者其祿以是爲差自古至秦漢無不以穀粟制
祿王制正義云祿有穀也
大宰八柄爵馭貴祿馭富大司徒以賢制爵以庸制
祿司士以德詔爵以功詔祿 大宗伯五命賜則注
元謂則地未成國之名王之下大夫四命出封加一

等五命賜之以方百里二百里之地者方三百里以上為成國王莽時以二十五成為則方五十里合今俗說子男之地獨劉子駿等識古有此制焉

周封八百國 千八百國

呂氏春秋周所封四百餘服百八百餘 漢諸侯表

周監二代三聖制法立爵五等封國八百同姓五十有餘周公康叔建於魯衛各數百里太公於齊亦五侯九百之地詩載其制曰介人惟藩云云 功臣表

杜業曰唐以萬國致時雍之政虞夏以之多羣后饗共已之治湯法三聖殷氏太平周封八百重譯來賀

力怒之君樂繼絕世至於不及下車德念深矣後

漢書阜陵王延傳章和元年詔曰周之爵封千有八

百姬姓居半以幹王室晉地理志武王歸豐監於

二代設爵惟五分土惟三封同姓五十餘國凡千八

百國布列於五千里內王制注孝經說云云淮南子高平水上定千八百國

而太昊黃帝之後唐虞侯伯猶存于時治致太平民

口千三百七十一萬四千九百三十三蓋周之盛也

春秋之初尚有千二百國魏帝王而見於春秋經傳

者百有七十國一十國百三十九知其所居魯

邾鄭宋至桐亳韓趙三十一國盡亡其處一國

桑維夷戎狄不在其間戰國七王又有宋衛中山不
斷如綫志以夏商時諸侯樹尋過戈豕韋之類並列

職方氏凡邦國千里封公以方五百里則四公方

四百里則六侯方三百里則七伯方二百里則二十

五子方百里則百男注周九州之界方七千里方千

里者四十九其一爲畿內餘四十八八州各有方千

里者六周公變殷制小國皆方百里州二百一十國

以男備其數餘以爲附庸七伯字誤方三百里爲方

十一疏言凡邦國者畿內要服已內有八州州別置

百二十一國總有千六百八十國王制云天子縣內

九十三國凡九州千七百七十三國是通畿內外爲

數並是殷周國數也

周禮疏又引洛誥傳云天下諸侯入來進受命於周者千七百

七十三諸侯注公入州立二百一十國畿內九十

三國

王制正義殷末諸侯千二百

周公制禮準

王制千七百七十三國言千八百者舉全數通典

云殷時大國二百四十九次國五百一十小國一千二

十三列國卿大夫士十萬一千三百七十三人後漢志

法帝王世紀曰周制五等之封凡千七百七十三國

又滅湯時千三百矣塗山會萬國逮湯受命其能存

者三千餘國荀子周公立七十一國姬姓五十二

周書世俘解武王

易氏曰孟子所言百里至五

十里者除一易再易及山川附庸之地舉民賦之實

數言之也此經所言五百里至百里者廣言一易再

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

易與山川附庸之地舉地域之大數言之也各異而

實一若夫其食者半諸公其食者三之一侯伯四之一子男後鄭謂公之地以一易侯伯之地以再易子男之地以三易地域雖廣皆以民賦爲正又於民賦之中食其所當食之數如授田之法受田皆百畝者民賦也三百畝以至百五十畝者地域也卽大司馬令賦之法大司徒王制天子之縣內諸侯祿也外

諸侯嗣也注選賢置之於位其國之祿如諸侯不得世外諸侯有功乃封之使之世冠禮記曰繼世以立諸侯象賢也葉氏曰古者公卿大夫有功德則出封爲諸侯是在外世爵者乃內之世祿臣也諸侯有

功德亦入爲公卿是內之世祿者或在於外之世爵諸侯也內外更易而輕重所以均

周爵名

荀子正名篇後王之成名刑名從商爵名從周文名從禮注商之刑法未聞康誥曰殷罰有倫爵名從周謂五等諸侯及三百六十官也文名謂節文威儀制以德制祿以功德有厚薄故爵有爵有崇卑功有多寡故祿有豐殺

表記周人尊禮

其賞罰用爵列注以尊卑爲差 舜輯五等諸侯之端而班之則五等之爵自舜以來未之有改鄭氏謂殷爵三等非也武王爵列以五土分以三蓋襲殷之

舊爾周公增損其制上公五百里至男百里蓋指開
方言之去王制不大相遠矣 三等之地正封也五
等之附庸廣封也周公斥大九州之界公侯之國蓋
有增多附庸而百里七十里五十里之制亦無增損
此魯所以有七百里而孟子謂周公封魯地方百里
也詩曰錫之山川土田附庸附庸舉虛封言之所謂
七百里是也土田舉實封言之所謂方百里是也
先王之制出爲列國之君入爲王朝之臣所以一內
外也內爲三公稱公外而諸侯亦稱公故畢公以父
師保釐東土衛侯以列國入相于周周公居東復相

成王山甫祖齊式邁其歸春秋以來鄭武公入爲周
師徒莊公爲平王卿士滕侯曰我周之卜正 鄭注
司徒云凡諸侯爲牧正帥長及有德者乃有附庸非
國國皆有 書曰萬邦總四海之內大畧而言也禹
會塗山執玉帛者萬國此左氏之妄不過見東方諸
侯耳豈使四海之內會於一山下哉 名山大川皆
天子使吏治之而入其貢賦九州川浸山藪各有職
方不屬諸侯之版春秋諸侯或兼而擅之齊幹山海
晉私敬瑕守桃林之塞宋有孟諸楚有雲夢皆不入
於王官 天子寰內諸侯世其祿而不嗣畢高以父

而保釐東土。衛武以列國而入相于周。蓋與後世
出入均勞之意同。春秋列國官制無復王制之舊。
宋置左右二師以擬三公。而又有六卿。晉三卿將佐
皆卿。而司馬司空位大夫之列。甸侯建國列國數
圻。魯三家三分公室而各有其一。伯者以意之向
皆爲升降諸國以勢之強弱相上下。會盟征伐先後
易序。曹祀伯也。或居子男之下。楚子也。或居侯伯之
上。魯以周班。後鄭楚以裹甲先。晉滕薛爭長。蔡衛爭
先。逞其私意不顧王爵。

周三恪

左傳襄二十五年子產曰封陳以備三恪注周封夏
殷二王後又封舜後謂之恪并二王後爲三國其禮
轉隆示敬故曰三恪疏鄭元謂杞宋爲二王之後薊祝
陳爲三恪樂記武王克殷未及下車而封黃帝之
後於薊帝堯之後於祝帝舜之後於陳下車而封夏
之後於杞投殷之後於宋呂氏春秋封黃帝之後於
記武王封神農後於焦黃帝後於祝堯後於薊與樂
記不同任宿須句顓臾太皞之後呂鄭少昊之後
郊特牲尊賢不過二代爲三或疏案異議公羊說存
二王之後通天三統之義古春秋左氏說周家封夏
殷二王之後以爲上公封黃帝堯舜之後謂之三

韋元成等引外傳曰、五王之樂、可得觀乎、知王者所封五代而已、鄭駁云、存二王之後、命使郊天、恪者敬也、敬其先聖而封。

漢二等爵 啓九國

諸侯主表 周監於二代、三聖制法、立爵五等、封國八百、同姓五十有餘、魯衛各數百里、齊亦五侯、九伯之地、所以親親、賢賢、褒表功德、深根固本、為不可拔也。秦自任私智、姍笑三代、盪滅古法、內無骨肉、本根之輔、外無尺土、藩翼之衛、故曰周過其歷、秦不及期、國勢然也。漢興之初、海內新定、同姓寡少、懲戍亡秦之

敗於是剖裂疆土三等之爵

漢封功臣大者王小者侯也

功臣侯

昔自有餘邑尊王子弟大啓九國自鴈門已東盡遼

陽為燕代常山以南太行左轉度河濟漸于海為齊

趙穀泗以往奄有龜蒙為梁楚東帶江湖薄會稽為

荆吳

師古曰荆吳同是一國文穎曰即今吳也高六年為荆國十年更名吳

北界淮瀕

略廬衡為淮南波漢之陽巨九嶷為長沙

史記九國之數有淮

陽中陳故都暨陽夏扶溝為淮陽

諸侯比境周匝三垂

北東也外接胡

越天子自有三河東郡潁川南陽自江陵以西至巴

蜀北自雲中至隴西與京師內史凡十五郡公主列

侯頗邑其中而藩國大有跨州兼郡連城數十宮室

百官同制京師然折諸呂之難成太宗之業亦賴之

於諸侯也

秦紀列侯之下復有倫侯見琅琊臺刻石

史諸侯表漢興序

二等

韋昭曰大者王小者侯

高祖子弟同姓爲王者九國唯獨

長沙異姓而功臣侯者百有餘人

九國燕代齊趙梁楚荆吳淮南淮陽

并長沙爲十國索隱曰徐廣九國不數吳蓋荆絕乃封吳治封楚元王交位第一師古曰以封日先後

爲次三王世家高皇帝封建諸侯爵位二等

班氏序九國不言淮陽而列長沙師古謂九國之數在下蓋不知班氏之失當以遷表爲正 班氏

折異姓同姓爲二表則太史公之封二等之叙與

文意不屬蓋太史公爲異姓言也二等爲異姓同

姓合而言之也若二等之爵不可不載則唯獨長
沙異姓六字不當削遷雖於表序總說而表列淮
陽固序旣明言荆吳淮南長沙而不言淮陽表復
不列梁與淮陽又削長沙異姓一句何以知淮陽
爲九國之數而長沙在外也

高紀

兼表

六年春正月丙午以故東陽郡鄆郡吳郡五

十三縣立劉賈爲荆王以碭郡薛郡郟郡三十六縣

立弟交爲楚王

袁載交爲先封居第一

壬子以雲中鴈門代郡

五十三縣立兄喜爲代王以膠東膠西臨淄濟北博
陽成陽郡七十三縣立子肥爲齊王九年正月徙

王如意為趙王十一年正月

月丙午五子恢為梁王子友為

為淮南王十二年十月辛丑淩為吳王

午建為燕王

高紀九年十月淮南梁趙楚王朝宮置酒前殿十年十月淮南燕齊

齊長沙王來朝

曹元首六代論諸呂擅權而天下不

動者東牟朱虛授命於內齊伐吳楚作衛於外也

漢賜爵故事

賜民爵

紀高祖二年二月立漢社稷施恩惠賜民爵五年五月詔軍吏爵不滿大夫者皆賜爵為大夫故大夫以上賜爵各一級七大夫以上皆令食邑十二年二月

詔賜燕吏六百石以上爵皆一級來歸者赦之加爵

赤一級 惠帝三 即位五月賜民爵一級中郎郎中

六歲爵三級外郎不滿二歲錢萬官尚食比郎

中郎四歲二級外郎不滿六歲二級中郎不

滿一歲一級外郎不滿二歲賜錢萬宦官尚食比郎

中郎 咸武士賜比郎太子御膳乘賜爵

五大夫舍人滿五歲二級元年賜民爵戶一級五年

長安城戍賜民爵戶一級 高后元年一月賜民爵

戶一級文帝二 即位賜民爵一級五年建太子賜爵

父後帝 級景帝七年六月 總而中山王四

後父後晉爵一級中元年四月燕五年六月

民爵一級接元年三月賜民爵一級中二千石諸王

侯相賈亦表長三年正月太子冠禮賜爵父等者

一級武帝五建元元年二月赦賜民爵一級元

年四月赦賜民爵長子爵一級元符元三年四月丁

太子賜中二千石爵亦表長民為父後者一級元

四年十月祠五時元封元年封泰山皆賜民爵一級

昭帝二 始元五年六月賜中二千石以下吏民爵各

有差元鳳四年正月丁亥帝加元服賜中二千石以

下吏民爵宣帝十四 始元五年五月鳳皇集殿吏二

千石諸秩州下至中郎官宦吏六百石爵各有差自
左更至五大夫賜人爵各一級孝者二級二年六月
尊世宗廟賜民爵一級也爵三年四月戊申立太子
賜御史大夫爵關內侯中二千石爵右丞相長天下當
爲父後者爵一級永康元年二月鳳皇集甘露降賜
勳事吏中二千石以下至六百石爵自中郎吏至五
大夫佐史以上二級民一級二年三月以鳳皇甘露
降禁鴈羹爵二級民一級三年春四年二月神靈元
年三月神靈元爵二級民一級神靈四年二月賜民
爵一級神靈元爵二級民一級神靈四年二月賜民

一級力田一級五鳳元年正月太子冠賜列侯嗣

爵五大夫爲父後者爵一級三年 月甘露二年正

月皆賜民爵一級三年二月單于朝賜民爵一級元

帝八 初元二年正月賜雲陽民爵一級四月丁巳立

太子賜御史大夫爵關內侯中二千石右庶長天下

當爲父後者爵一級四年三月祠后土賜民爵一級

永光元年三月二年二月賜吏民爵建昭五年三月

賜民爵一級竟寧元年正月皇子冠賜列侯嗣子爵

五大夫父下爲父後者爵一級 成帝七 建始三年三

月賜孝弟力田爵二級河平元年三月改元賜吏民

爵四年正月賜孝弟力田爵二級鴻嘉元年二月賜
民爵一級永始二年二月吏民入穀者百萬以上加
賜爵右更三十萬以上賜爵五大夫四年正月賜雲
陽吏民爵綏和元年二月癸丑立太子賜天下當爲
父後者爵哀帝二平帝一光武三建武二十九
年二月庚申三十年五月三十一年五月戊辰賜男
子爵人二級顯宗六中元二年卽位四月丙辰賜天
下男子爵人二級三者孝弟力田人三級爵過公乘
得祿與子及流人無名數欲自占者人一級永平三
年二月甲子立太子十二年五月丙辰同十五年四

庚子賜男子爵人三級十七年五月戊子賜男子
爵人二級三老孝弟力田人三級流人無名數欲占
者人一級十八年四月己未賜男子爵人二級流民
無名數欲占者人一級

肅宗四

永平十八年即位十

月丁未大赦賜民爵人二級爲父後及孝悌力田人
三級脫無名數及流人欲占者人一級爵過公乘得
移與子建初三年三月癸巳立后賜爵人二級三老
孝悌力田人三級民無名數及流人欲占者人一級
元和二年五月戊申詔祖宗舊事或班恩施其賜天
下吏爵人三級九月壬辰詔鳳皇黃龍所見亭部加

賜男爵人二級先見者帛二十疋近者三疋太守三十疋令長十五疋丞尉半之它如賜爵故事

和帝三

安帝七

順帝五

質帝三

威靈獻皆一

賜爵故事立社稷即位立皇太子王皇子皇太子冠

改元征伐力役募民徙塞

晁錯言守備曰募民以封

禪祥瑞帝加元服尊廟號褒吏治災異匈奴來朝

惠六年文後六年令民得賣爵荀氏漢紀曰賜民爵

所以宣恩惠慰人心也庾峻曰秦時不知德惟爵是

聞故閭閻以公乘侮其鄉人郎中以上爵倣其父兄

大事記普賜天下民爵自惠帝始

後紀注商鞅爲

秦制爵二十級賜爵者有罪得贖貧者得

制賜爵自公士已上不得過公乘故過者得移授也

明帝紀爵過公乘得移與子注云云

漢二十等爵 列侯印 執帛 執圭

上聞爵

百官表爵一級曰公士

師古曰言有爵命異於上卒也

二上造

言有成命

於上

三簪袅

以組帶馬曰袅言飾此馬也

四不更

言不豫更卒之事

五大

夫列位從大夫

六官大夫七公大夫

加官公者示稱尊也

八公乘

得乘

公家之車

九五大夫

大夫之尊也

十左庶長

卜式柔功羊爲之

十一右

庶長

庶長言爲衆列之長

十二左更十三中更十四右更

更言主領

更卒部十五少上造十六大上造言皆主上造之士也商鞅為大良

造即大上造也自起為左庶長明年為左更言皆主上造之士也十七駟

遷為國尉明年為大良造公孫衍為大良造言皆主上造之士也十九關內

車庶長言乘駟馬之車而為衆長也十八大庶長又更也十九關內

侯言有侯号而居京畿無國邑二十徹侯言其爵位上通於天子皆秦制左

正義云成十三年有不更女父襄十一年有庶長鮑庶長武春秋之世已有此名蓋後世以漸增之商君

定為二十非是商君盡新作也徹侯金印紫綬避武帝諱曰通侯或

曰列侯改所食國令長名相又有家丞門大夫庶子

諸侯王高帝初置金璽蓋綬掌治其國蔡邕云漢制皇子封為王

其實諸侯也漢舊儀云諸侯王黃金璽橐紐文曰璽高紀五年五月詔曰民各歸其縣復故爵七大夫以上皆令食邑師古曰七大夫

注曰承秦爵二十等爲徹侯

後避武帝諱爲列侯

金印紫綬以

賞有功功大者食縣小者食鄉亭得臣其所食吏民

舊列侯奉朝請在長安者位次三公中興以來唯以

功德賜位特進者次車騎將軍

胡廣漢制度曰功德優盛朝廷所敬異者

賜位特進在三公下不在車騎下

賜位朝侯次五校尉賜位侍祠侯

次大夫其餘以肺附及公主子孫奉墳墓於京師者

亦隨時見會位在博士議郎下諸王封者受茅土歸

以立杜稷列侯特進朝侯賀正月執璧云

云云

關內

侯承秦賜爵十九等無土寄食在所縣民租多少各

有戶數爲限

荀綽晉百官表注曰時六國未平將帥家皆關中故以爲號

古今注曰建武



卿之義也。關內侯者，依古圻內子男之義也。列侯者，依古列國諸侯之義也。然則卿大夫士下之品，皆倣古比朝之制，而異其名，亦所以殊軍國也。古者以車戰，兵車一乘，步卒七十二人，分翼左右。公士，步卒之有爵者，上造，造成也。古者升司徒曰造士，雖依此名，皆步卒也。簪褭，御駟馬者，要褭，古之名馬也。駕駟馬者，其形似簪，不更者為車右，不復凡更卒同也。大夫者，在車左者也。官大夫、公大夫、公乘、五大夫，皆軍吏也。吏民爵不得過公乘，得貴與子若同產，然則公乘者，軍吏之爵最高者也。云云。自左庶長已上至大庶

長皆卿大夫皆軍將也所將皆庶人更卒故以庶更
爲各大庶長卽大將軍也左右庶長卽左右偏裨將
軍也 貨殖傳秦漢之制列侯封君食租稅歲率戶

二百千戶之君則二十萬朝覲聘享出其中 列傳

樊噲郤敵賜爵國大夫

卽官大夫

擊章邯軍賜爵列大夫

卽公大夫

破李由軍賜上聞爵

如淳曰魏文侯勝齊天子賞文侯以上聞見呂氏春秋

秋晉灼曰名通於天子也

成武郤敵賜爵五大夫破趙貫軍

賜爵卿攻宛陵先登賜爵封號賢成君東攻宛城西

至鄢賜重封

師古曰加二號

漢王賜噲爵爲列侯號臨武侯

商君爲法於秦戰斬一首者賜爵一級有軍功者各以率受上爵

曹參賜爵七大

夫遷五大夫封執帛遷執珪

張晏曰孤卿執帛侯伯執珪以朝位比之如淳

曰呂氏春秋得伍員位執珪古爵也

國策楚昭陽曰官爲上柱國爵爲上執珪

爵七大夫執帛執圭

夏侯嬰賜爵七大夫五大夫

執帛執圭賜爵封賜爵列侯號昭平侯

周勃下邑

先登賜爵五大夫

傳寬以魏五大夫騎將從賜爵

卿 朱博爲丞相封陽鄉侯食邑二千戶上書遷曰

故事封丞相不滿千戶願還千戶許之

表元朔三

年十一月乙丑平津侯公孫弘以丞相詔所褒侯三

百七十三戶征和四年六月丁巳富民侯車千秋以

丞相侯八百戶

平當傳御史大夫至丞相以冬月

賜爵關內侯注如淳曰漢儀注御史大夫爲丞相更
春乃封李奇曰以冬月非封侯時

關內侯食邑

舊無邑此特恩也

田廣明宗正德典屬國武

蕭望之李沮李息竇如意騎士孟已校尉敢陳湯後

漢巨榮

又鄧彪賜爵關中侯

漢賣爵令

食貨志文帝十二年龜錯說上曰今募天下入粟縣
官得以拜爵帝從之令民入粟邊六百石爵上進稍
增至四千石爲五大夫萬二千石爲大庶長各以多
少級數爲差

龜錯傳言郡縣之民得買其爵以自增
至卿注薛古曰二千等爵無爵蓋謂其

等級同 景帝時上郡以西旱復修賣爵令裁其買 音

以招民

景紀後二年五月詔曰今普筭十以上召得官云普筭四得官亡令廉士失職注十筭十

也 萬武帝時民多買復及五大夫千夫征發之士益鮮

於是除千夫五大夫爲吏不欲者出馬令吏入穀補

官郎至六百石人財得補郎弘羊請令民得入粟補

吏入粟甘泉各有差

卜式數入財佐縣官超拜中郎

補侍郎謁者復入穀沈黎

紀成帝鴻嘉三年夏四

月令吏民得買爵賈級千錢永始二年二月乙酉

詔關東比登不登吏民入穀助賑贍者其百萬以上

加賜爵右更

第十爵 欲爲吏補三百石吏遷二等三十

萬以上賜爵五大夫吏亦遷二等民補郎

去云

孫

紀安帝永初三年四月丙寅三公以國用不足奏令吏入錢穀得爲關內侯虎賁羽林郎五大夫官府吏緹騎營士各有差威帝延熹四年七月賣關內侯虎賁羽林緹騎營士五大夫錢各有差

亦見後

史記秦始皇四年七月令百姓內粟千石拜爵一級

惠帝紀元年十二月民有罪得買爵三十級以免

死罪

應邵曰一級直錢二千凡爲六萬若今贖罪入三十疋縑矣

六年十月令民

得賣爵

漢武功爵

武紀元朔元年匈奴入遼西漁陽鴈門衛青獲首虜
二年匈奴入上谷漁陽衛青獲首虜收河南地置朔
方五原郡四年匈奴入代定襄五年衛青將六將軍
兵斬首虜萬五千級六年四月復將六將軍絕幕大
克獲六月詔曰今中國一統而北邊未安朕其悼之
大將軍巡朔方征匈奴斬首虜受爵賞而欲移賣者
無所流馳其議爲令有司奏請置武功賞官以寵戰
士 食貨志武帝時大司農陳臧錢經用賦稅旣竭
不足以奉戰士有司請令民得買爵及贖禁錮免臧
罪請置賞官名曰武功爵注臣瓚曰茂陵中書有武
功爵一級曰造十二級曰

閉與衛三級曰良士四級曰元戎士五級曰官首六

級曰乘鐸七級曰千夫八級曰樂卿九級曰執戎七

級曰政戾庶長十一級曰軍衛此武帝所制以饗軍

功師古曰此下云級十七萬凡直三十餘萬金今瓚

所引茂陵中書止於十一級則計數不足級十七萬

與本文垂戾或有茂陵書所說不盡也

劉氏曰賣爵當級級稍增其價豈可例云凡直三十

級十七萬蓋武功爵其級十七誤衍萬字

餘萬金請買武功爵官首者試補吏先除千夫如五

大夫注師古曰五大夫舊二十等爵之第九級也至此以上始免徭役故每先選以為吏千夫者武

功十一等爵之第七級也亦得免其有罪又減二等

爵得至樂卿以顯軍功注樂卿者武功爵第八等也言買爵唯得至第八也軍

功多用超等大者封侯卿大夫小者郎吏揚僕傳以

注千夫謂武功賞官功臣表須無曾棄爵聖注

秉鐸武功爵第六級淮嬰曾孫官首匿注官首爵各

荀悅申鑒曰孝武以四夷未賓寇賊竊執初置武
功賞臣以寵戰士若今依此科而崇其制置尚武之
官以司馬兵法選位秩比博士講司馬之典簡蒐狩
之事賞軍功爵賞小統於五校大統於太尉既周時
務禮亦宜之

漢永光錄功拜爵

見兵捷類

馮奉世

漢亦作六等爵

魏志漢建安十二年二月大封功臣二十餘人皆爲
列侯建安二十年又十月始置名號侯爵十八級關

中侯爵十七級皆金印紫綬置關內外侯十六級銅印龜紐墨綬五大夫十五級銅印環紐墨綬皆不食租與舊列侯關內侯凡六等以賞軍功

裴松之以爲今之虛封蓋

曰此始

魏明帝太和六年二月詔封諸侯王以郡爲國

魏五等爵 晉封建制 五等封

晉紀魏咸熙元年七月荀顛定禮儀賈充正法律裴秀議官制太保鄭冲總而裁焉始建五等爵晉武帝泰始二年二月己未詔曰五等之封皆錄舊勲本爲縣侯者傳封次子爲亭侯爲鄉侯爲關內侯亭侯爲關中侯皆食本戶十分之一

地理志魏黃初三年

三月乙丑

初制封王之庶子爲鄉公嗣王之庶子爲

縣侯公侯之庶子爲亭伯晉文帝爲晉王命裴秀等
建立五等之制唯安平王孚邑萬戶其餘縣公邑千
八百戶地方七十五國大國侯邑千六百戶地方七
十里次國侯邑千四百戶地方六十五里大國伯邑
千二百戶地方六十里次國伯邑千戶地方五十里
大國子邑八百戶地方五十里次國子邑六百戶地
方四十五里男邑四百戶地方四十里裴秀傳
咸熙初議五等之爵自騎督以上六百餘人皆封於
是封秀濟川侯地方六十里邑千四百戶高柔傳

咸熙中開建五等封孫渾昌陸子蔣濟孫凱為下蔡子劉放子正方城子孫資子宏離石子王祥睢陵侯王覽即丘子羊祜鉅平子傅祗涇原子鄭袤密陵伯傅元鶉觚男賈充臨沂侯為晉元勳

職官志

咸寧

三年楊珧荀勗追裴秀立五等封建之旨詔議其制有司奏諸王公更制戶邑皆中尉領兵平原汝南琅邪扶風齊為大國梁趙樂安燕安平義陽為次國餘為小國又為郡公制度如小國王中尉領兵郡侯如不滿五千戶王置一軍亦中尉領之增魯公戶邑進王沉郡公羊祜郡侯南宮王承隨王萬各增邑為三

千戶制度如郡侯置一軍自此非皇子不得為王而諸王支庶各推恩受封為公侯伯子男伯子男以下不置軍大國中軍二千人上下軍各千五百次國止軍二千人下軍千人

晉改定國秩

成帝紀咸和元年十一月壬子改定王侯國秩九分食一石

唐三恪

會要武德元年五月二十二日以鄴公介公共為二王後隋周永昌元年以周漢後為二王舜禹湯之裔為

封爵

三恪神龍元年五月復舊天寶七載五月詔後魏裔
孫爲三恪八載孝文十代孫九載求殷周漢後爲三
恪元伯明韓國公

唐九等爵 實封 鐵券銘功

百官志司封凡爵九等一曰王食邑萬戶正一品二
曰嗣王郡王五千戶從一品三曰國公三千戶從一
品四曰開國郡公二千戶正二品五曰開國縣公千
五百戶從二品六曰開國縣侯千戶從三品七曰開
國縣伯七百戶正四品八曰開國縣子五百戶正五
品上九曰開國縣男三百戶從五品上通典並云其上加實封者

仍給祖薦皇兄弟皇子封國爲親王皇太子子爲郡王親

王子承嫡爲嗣王諸子爲郡公以恩進者封郡王襲

郡王嗣王者封國公凡封戶三丁以上爲率歲租三

之一入于朝庭食實封者得真戶分食名山大川畿

內地不封 會要正觀二十三年九月八日敕諸王

食一千戶封開元二十年五月十日勅諸食實封並

以三丁爲限 元宗紀兼舊史等書開元五年五月丙辰

詔公侯子孫襲封十年十一月乙未詔宰相共食實

封三百戶以七丁爲限堂封自此始二十四年欲賜牛仙

客實封張九齡曰漢法非有功不封唐遵漢法太宗

之制也

劉幽求傳

兼月

景雲二年拜侍中十月甲

辰璽詔曰幽求翊贊聖儲震殄元惡雖胙以土宇而
賦入未廣昔西漢行封更擇多戶東京定賞復增大
邑宜加賜實封二百戶子孫傳國無絕特免十死銘
諸鐵券以傳其功

會要劉幽求七百戶先
天二年八月十一日勅

臨淄王

封韋氏預參大策

唐賜爵

紀高宗乾封元年正月壬申以封禪大赦改元中宗
神龍元年九月壬午祀明堂大赦元宗天寶八載閏
月丙寅謁太清宮大赦德宗大曆十四年六月己亥

卽位大赦皆賜民古爵

唐開元新制

公主傳開元新制長公主封戶二千帝妹戶千率以
三丁爲限皇子王戶二千主半之左右以爲薄帝曰
百姓租賦非我有土出萬死賞不過束帛女何功而
享多戶邪使知儉嗇不亦可乎於是公主所廩始不
給車服後咸宜益封至千戶諸王皆增自是著于令
主不下嫁亦封千戶

會要開元十年加永穆公主封一千戶至乾元元年三月一日

諸公主宜各給五百戶

諸王傳唐制親王封戶八百增二千

高宗時沛英豫三王始踰制開元後天子睦兄弟

王戶至五千五百 薛王五千申王四千鄒王千八百帝追思薛王業引見于爰等下詔共賜實封千戶爰爲安樂王瑒榮楊王宗正卿瑁爲嗣薛王 會要

景龍三年食封邑者一百四十餘家應出封戶凡五十四州百姓著封戶者甚於征行十一月御史宋務光上疏曰近者封建頗緣恩澤功無橫草人已分茅沃壤名藩多人侯國邑收家稅半於天府伏惟酌宗周之前訓咨武德之舊章地匪宗盟勲殊社稷不宐加於食邑自可寵以虛名兵部尚書韋嗣立上疏曰食封之家用六十餘萬丁

計一百二十萬匹已上

邊運之初功

臣食封纔三二十家今恩澤受封至百四十家已上
私門資用有餘國家支計不足
先天二年八

月己亥以中書令張說祭酒褚無量輔導有功說封
燕國公食實封三百戶無量舒國公二百戶
吳淩
繇布衣與兄淑一日賜官封皆等

端拱賜爵

端拱元年閏五月丙申賜高年百二十人爵爲公士

秦漢以後不復賜民爵自藉田
禮成正月乙亥詔書始復賜焉

開寶中澶密等州民年八十以上呂繼美等二十九
人並賜爵公士
咸平五年二月賜京城父老百

十九歲祝道岳爵公士 祥符三年三月戊辰賜祥符等縣年八十以上者爵公士 祥符二年七月乾封民以天書降其地賜爵公士 景德天禧間民能禽盜者亦賜

景祐封國三等

景祐三年正月戊子學士承旨章德象上封國名三等皆遞升其朱趙梁壽四國不以封從之 唐制食實封者給縑帛唐末五代始有特加邑戶而罷實封之給又去縣公之名封侯以郡皇朝沿其制文臣少卿監武臣副率以上有封爵丞郎學士刺史大將軍以

上有實封但以增戶數爲差邑過其爵則并進爵焉
止於開國郡公每加食邑自千戶至二百戶實封自
六百戶至百戶皆六等親至重臣或特加有踰千戶
者凡加食邑宰相千戶實封四百戶餘降麻官七百
戶實封三百戶直學士以上五百戶實封二百戶舍
人待制以上實封一百戶食邑三百戶封縣開國男
五百戶封子七百戶封伯千戶封郡侯二千戶封公
千五百戶以上始加實封惟將相食邑萬戶卽開國
景祐三年詔春秋秦漢以來下及皇朝所封舊名別
分大次小三等以爲定制焉趙
至唐爲大國相
至涼

爲次國江勝至潤華爲小國

慶曆七年詔使相未

滿萬戶皆得封

杜衍特宣

皇屬特封郡縣公或贈侯

者無開國字又采秦制賜民爵曰公上其王公以下封國之名舊有大次小三等以爲進封之叙然每封拜又有權升次小國爲大國者元豐三年九月十七日詔見任宰相使相食邑實封通及萬戶前宰相食邑及萬戶封公閏九月御史言曹佾以外戚封郡王祖宗以來未有佾比

嘉祐封崇義公

嘉祐四年四月癸酉詔以柴氏後爲崇義公奉周祀

三海卷第一百三十五

浚儀王應麟伯厚甫

官制

褒功 詔封

古者人臣功有五品以德立宗廟定社稷曰勲以
言曰勞用力曰功明其等曰伐積日曰閱

周司勲 功書

夏官司勲上上三人下士四人掌六卿掌地之法以

等其功王功曰勲若周國功曰功若伊民功曰庸若

我事功曰勞若洽功曰力若戰功曰若平若凡

有功者銘書於王之太常祭於大蒸司勳詔之大功

司勳藏其貳

注功書藏於天府又副於此者以其主

賞

太史公曰功有五品勳勞功代闕

功有五品勳勞功代闕

功有五品勳勞功代闕

功有五品勳勞功代闕

功有五品勳勞功代闕

功有五品勳勞功代闕

秋官司約

下士二人

掌治功之約

辨之屬

凡大

凡大

約劑書於宗彝小約劑書於丹圖

左傳宮之奇曰

勳在王室藏於盟府

正義

王室之勳藏

在盟府

指

諸侯初受封爵必有盟誓之言

反行飲至舍爵策勳

注既飲置爵則書勳於策言速記有功也

於策言速記有功也

於策言速記有功也

於策言速記有功也

於策言速記有功也

誥記功宗以功作元祀丕視功載注視群臣有功者

記載之有大功則列為大祀或時立其祀配享廟

庭亦是也

周武王封功臣

周頌賚大封於廟也箋武王封諸臣有功者正義謂
文王之廟也祭統曰賜爵祿於太廟示不敢專皇甫
謐云武王伐紂之年夏四月乙卯祀於周廟將率之
士皆封諸大國四百人兄弟之國十五人同姓之國
四十人樂記將率之士使爲諸侯是大封也昭二十
八年左傳武王克商光有天下兄弟國十五人姬姓
國四十人書武成克殷反祀於周廟列爵惟五分土
惟三皆大封之事樂記武王克殷未及下車而封劓
祝陳下車而封杞宋未及下車雖有命封之必至廟
受策乃成封亦在此大封之中 史記武王作武成封

諸侯班賜宗彝追思先聖王乃褒封神農之後於熊

黃帝之後於祝帝堯之後於

薊薊無祝無聞焉

舜之後於陳

大禹之後於杞於是封功臣謀士而師尚父爲首封
封尚父於營丘曰齊封弟周公旦於曲阜曰魯封召
公奭於燕封弟叔鮮於管叔度於蔡餘各以次受封

漢功臣表杜業曰成王察牧野之克願群臣之勤

知其恩結民心功光王府故述先父之志錄遺老之

榮高其位大有寓愛敬飭蓋命賜備厚是以燕齊之

化與周並傳子繼弟及歷載不墮

秦淳于越曰殷周之王
封子弟功臣于有

漢通侯籍

高紀五年九月利幾者項羽將爲陳令降上侯之

川上至雒陽舉通侯籍召之而利幾恐反

應劭曰曰徹侯

武帝諱張晏曰後改爲列侯諸侯王表五年九月

前有楚韓王信長沙王吳芮淮南王安王英布燕王盧

梁王彭越韓王信趙王張敖傳沛公爲漢王曹參封建成侯

三秦賜食邑寧秦定魏地賜食邑平陽樊噲臨武侯

夏侯嬰昭平侯張良成信侯周勃威武侯定三秦賜

食邑二懷德酈商信成君賜食邑武成六千戶益食四

千戶灌嬰昌文侯食杜平鄉傅寬共德君賜食邑雕

陰賜爵通德侯靳歙建武侯周繇賜食邑池陽

韓信曰以天下城邑封勳臣何不服

康熙二十六年刊

三

三

三

三

三

三

漢剖符封功臣

高紀六年十二月甲申上還至雒陽始剖符封功臣

曹參等爲通侯

注合符而分授之

上已封大功臣三十餘人

其餘爭功未得行封

雍齒以前已封二十六人張良傳云二十餘人

上居雒

陽南宮從複道上見諸將偶語以問張良

云云

三月

上置酒封雍齒

表正月戊午因趣丞相急定功行封

與功臣剖符作誓

丹書鐵契金匱石室藏之宗廟

一史記六年十二月

論功與諸列侯剖符行封

今考世家及傳其言剖

符世世勿絕者曹參平陽陳平戶牖周勃食絳樊噲

食武陽酈商食涿郡夏侯嬰汝陰灌嬰穎陰傅寬

陸斬歛武信諸侯王剖符而封

英布韓王信樂命封王剖符受封

之萬世

夷狄剖符而封

十一年五月

尉陀陸賈說陀用

有朝鮮燕之外區漢與柔遠與爾剖符

雖高祖元功

輔臣服肱剖符而

爵澤流苗裔則見於太史公年表之自叙與功臣剖

符作誓丹書鐵契則見於班氏高紀之贊剖符世爵

受山河之誓則見於杜業之納說受命之初贊功剖

符則見於功臣表之述還至雒陽與功臣剖符定封

見於陳平傳王吸召歐薛歐陳濞陳嬰雖同甲申之

封而傳無剖符之事張良爲謀臣然封於正月丙午

亦無剖符之言

功臣表六年十二月甲申封平陽

曹參 信武 靳欽 汝陰 夏侯嬰 清河 王吸 陽陵 傅寬 廣嚴

召歐 廣平 薛歐 博陽 陳漣 堂邑 陳嬰 曲逆 陳平 凡十人 正月

丙午 封留 張良 射陽 劉纏 鄼 蕭何 絳 周勃 舞陽 樊噲

曲周 酈商 穎陰 灌嬰 汾陰 周昌 梁鄒 武虎 成 董濞 蓼

孔聚 費 陳賀 陽夏 陳豨 凡十三人 正月 丁未 隆慮 周

竈 戊申 陽都 丁復 壬子 陽信侯 呂青 戊午 東武 郭蒙

什方 雍齒 三月 丙申 棘蒲 陳武 庚子 都昌 朱軫 武疆

嚴不 謙 貫 合傳 胡害 海陽 搖母 餘 南安 宣 虎 肥 如 蔡

寅 曲成 禹 達 河陽 陳涓 合三十七人 四月 癸未 封敬

市 六月 丁亥 封柳丘 魏其 祁平 七月 庚寅 封河陵 昌

武戌戌封高宛宣曲終陵八月丙辰有東茅斥丘之
封甲子有臺定安國樂成辟陽蒯成安平之封丁
有北平之封若淮陰范魯城父任棘丘高胡厥次之
封皆在六年而逸其月日

六年所封自平賜至歷

侯爰類凡六十四人

自平皐

劉宅

至平棘

林華

十一

人封於七年深澤

趙將夕

至龍陽

陳署

十八人封於

八年以至九年封平侯

張瞻師

以下六人十一年封

東陽

張相如

以下十九人十二年封中牟

單右車

以

下十九人

高祖順斗極運天關橫鉅海票崑崙崑崙

劔而叱之麾城櫛邑下將降旗一日之戰不可殫記

魏鑿生幾虱介冑被沾汗以爲萬姓請命軍皇天規
億載恢帝業七年之間天下密如也樊鄴曹灌携劍
摧鋒從高皇帝墜菑除害耘鋤海內叙傳雲起龍
變化爲侯王

漢十八侯位次 元功十八人位次 論

功定封 列侯位次簡

漢功臣表自古帝王之興曷嘗不建輔弼之臣所以
共成大功者乎漢興自秦二世元年之秋楚陳之歲
初以沛公總帥雄俊三年而後西滅秦立漢王之後
五年秦克項羽卽皇帝位八載而天下乃平始論功
而定封訖十二年侯者百四十有三人表增人時大

名都民人散亡，戶口可得而數，裁十二三，是以大侯不過萬家，小者五六百戶，封爵之誓曰：使黃河如帶，泰山如厲，國以永存，爰及苗裔。於是申之以冊書之

信重之，以白馬之盟，又作十八侯之位次。

孟康注曰：唯作元功。

蕭何等十人位次耳。高后乃詔作位次。次下竟師古曰：謂蕭何、曹參、張敖、周勃、樊噲、酈商、奚涓、夏侯嬰、灌嬰、傅寬、靳歙、王陵、陳武、王吸、薛歐、周昌、丁復、魏遼、從弟一至十八也。史記正義載姚察說同。史記正義

云：楚漢春秋無奚涓薛歐。

有韓欽。

文終侯蕭何位次第一，平陽懿侯曹參二，宣平武侯張敖三，絳武侯

周勃四，舞陽侯樊噲五，曲周侯酈商六，魯侯奚涓七，

汝陰文侯夏侯嬰八，潁陰懿侯灌嬰九，陽陵景侯傅

寬十、信武、肅侯、靳歙十一、安國、武侯、王陵十二、棘蒲
剛侯、陳武十三、清河定侯、王吸十四、廣平敬侯、薛歐
十五、汾陰悼侯、周昌十六、陽都敬侯、丁復十七、曲成
圉侯、蟲達十八、表位次自平陽懿侯、曹參至鹵嚴侯
張平第四十八、高祖一百四十七人。孟康注曰：曹參
位第二，而表在
首。蕭何位第一，而表在十三，以封前後故也。晉使峻
曰：以張良之勲，而班在叔孫之後，師古曰：張耳及敖
並無大勲，蓋以魯元之故。呂后曲升之，顏游秦云：高
祖自云：得天，下由張良，補其才也。叙位乃以曹參大
蕭何，校其勤也。至如戶數多寡，或以才德，或以功勞
亦無定也，故稱蕭何位第一，戶唯八千，張良食萬戶
而位過六十，他皆類此。大事記高帝六年三月書定功行封
又作元功十八人位次。以史記本紀
監年表修張敖以高帝九

年四月廢王爲侯蓋今年有詔作元功十八人位次及位次之定乃在九年以後也自十九以下皆隨年

所定平之第在四十七留侯之定在六十二蓋不欲

與功臣爭先高帝時先後畧有定次高后世特因其

舊而銓品之耳漢表載位次 史記表載侯弟第一

漢表無詔以爲列侯自置吏受令長沙王 史記世家

列侯畢已受封及奏位次皆曰曹參第一鄒千秋進曰 云云 蕭

何第一曹參次之 本傳論功行封郡臣爭功歲餘不 史記索

隱曰姚氏云十八侯史記與漢書表同而楚漢春秋

則不同者陸賈記事在高祖惠帝時漢書是後定功

臣等列及陳平受呂后命而定或已改邑號故人名
亦別且高祖初定唯十八侯呂后令陳平終竟已下
列侯第錄凡一百四十三人也 史記正義曰顧胤

云高祖止定十八侯呂后令陳平終竟第錄按高祖

定十八侯陳平定一百一十九侯凡一百三十七人

八人孝惠高后封功臣凡一百四十三人一百二十九預侯

第十四人不預有臯及改封王西漢列侯及建武而存者平

陽建平富平爰戚高昌歸德義成長羅 漢魏文章

班固泗水亭碑十八侯銘有良平紀通而無陳張畫

策蕭勃翼終出爵褒賢列上封功叙將十八贊述股

肱休勲顯祚永永無疆鄴侯何將軍舞陽侯樊噲將

軍留侯張良

表位次六十二

大尉絳侯周勃相國平陽侯曹

參丞相戶牖侯陳平

表位次四十七

南宮侯張敖

表作宜平

衛尉

曲陽侯酈商將軍賴陰侯灌嬰將軍陽陵侯傅寬將

軍武信侯靳歙丞相安國侯王陵將軍襄平侯紀通

表位次六十六

將軍棘津侯陳武御史大夫汾陽侯周昌曲

成侯蟲達將軍青陽侯王吸

表作清河

文選陸士衡漢

高祖功臣頌蕭何曹參張良陳平韓信彭越黥布張

耳韓王信盧縮吳芮劉賈王陵周勃樊噲酈商夏侯

嬰灌嬰傅寬靳歙劉敬酈食其陸賈叔孫通魏無知

隨何三老董公轅生紀信周苛侯公

三十一人

表究其本末并叙位次陽陵侯傳寬位次曰武忠侯
曲成圉侯蟲達位次曰夜侯平悼侯工師喜位次曰
駟城侯猗氏敬侯陳遯位次曰長陵侯土軍式侯宣
義位次曰信成侯注師古曰漢列侯位簿有謚號姓
名與史記不同者表則具載一史記十二諸侯年表
以下以地爲主故年經而國緯所以觀天下之大勢
高祖功臣侯年表以下以時爲主故國經而年緯所
以觀一時之得失班氏分異姓同姓王爲兩表漢初
親疏相錯之意不復見同姓諸侯王表廢年經國緯

之制王子侯以下諸表廢國經年緯之制徒列子孫
曾玄世數是特聚諸家之譜牒耳 恩澤侯表高帝
行賞授位爵以功爲先後官用能爲次序 高紀五
年東克項羽六年十二月甲申始剖符封功臣曹參
等爲通侯三月置酒封雍齒趣丞相急定功行封十
二年史臣稱初高祖又與功臣剖符作誓丹書鐵契
金匱石室藏之宗廟雖日不暇給其規模宏遠矣注
金爲匱以石爲室緘
封之保固之義也

漢興功臣受封

元功侯籍

漢廟舊籍

見後

著錄勳臣

帝籍

史記功臣表漢興功臣受封者百有餘人索隱曰高

祖功臣百三十七人兼外戚王子一百四十三人受

封漢功臣表究其本末并序位次盡于孝文以昭

元功之侯籍師古曰籍謂名錄高紀所云通侯籍也漢興訖十二年侯

者百四十有三人表叙號謚姓名侯狀戶數始封位

次子孫曾玄平陽懿侯曹參位次二至鹵嚴侯張平

位次四十八右高祖百四十有七人二人在外戚四

人在王子外戚周呂建成王子羹頡郟陽沛德凡百

五十三人表止百二十七人當放便頃侯吳淺至平都孝侯劉

萬右孝惠三人南宮侯張買至醴陵侯越右高后十

二八陽信侯劉揭至故安節侯申屠嘉右孝文十八
樊鄴傳贊方其鼓刀僕御販繒之時豈自知附驥
之尾勒功帝籍慶流子孫哉 後祭遵傳博士范升

上疏曰高祖班爵割地與下分功著錄勲臣頌其德
羨生則寵其殊禮奏事不各入門不趨死則疇其爵

邑世無絕嗣丹書鐵券傳於無窮斯大漢厚下安民

長久之德

周有太常之書司
勲之貳盟府之藏

高祖功臣一百四十三至文帝世存者一百二十五
武帝世存者七十一惠景間侯者建元後存者二國
太初後皆國除史記表去至太初百年之間見侯五

杜業曰百餘年間集封者盡雖難盡繼宜從充功
蕭何佐第一戶唯八千張良萬戶位過六十

漢高祖至太初諸侯譜

史記漢興以來諸侯年表第五臣遷謹紀高祖以來
至太初諸侯譜其下益損之時令後世得覽形勢雖

強要之以仁義爲本

或以天子支庶子弟初立或以
王支庶子弟分置或廢國而郡或

郡復爲國或剖析而衆建或相承而不易此

益損之辨也 賈誼曰衆建諸侯而少其力

自序漢

興以來至於太初百年諸侯廢立分削譜記不明作
漢興以來諸侯年表十國 同姓九異姓一楚 六年正

月丙午王交景三年分置魯國相承至太初齊 高六

正月甲子王肥城陽濟止則文二年二月乙卯分

濟南菑川膠東則十六年四月丙寅景中元年

復置膠東元狩六年四月乙巳立閼剡六年正月丙

午初于劉賈十二年十月辛丑更為吳王濞景四年

初置江都元狩六年更廣陵淮南十一年十二月庚

午王長文十六年四月丙寅分廬江衡山元狩二年

衡山別為六安燕十二年二月甲午王建文元年十

月庚戌王澤元狩六年四月乙巳王旦趙九年四月

王如意惠元年王友高后七年王恢文二年二月乙

卯分置河間景二年三月甲寅置廣川三年六月乙

已置中山中三年三月丁酉置清河高后元年四月初置常山景中五年三月丁巳王舜元鼎三年分真

定泗水梁十一年三月丙午王愷文二年二月乙卯

王勝十二年王武景中六年五月丙戌分齊川濟東

山陽濟陰淮陽十一年三月丙寅王友徙趙文四年

王武徙梁景二年王餘徙魯代六年正月壬子王翽

十一年正月丙子王文帝文二年二月乙卯王武四

年太原王參更為代王表云代初王文帝在歸王信

之後誤也長沙五年二月乙未王吳芮景二年三月

甲寅王發

漢受命譜

異姓王表 據漢受命譜十八王月而列之。天下一統
迺以年數訖于孝文。異姓盡矣。漢元年二月羽自立
爲西楚霸王。王梁楚地。立沛公爲漢王。王巴蜀漢中。
三分關中。立章邯爲雍王。司馬欣爲塞王。董翳爲翟
王。申陽爲河南王。共敖爲臨江王。英布爲九江王。吳
芮爲衡山王。田安爲濟北王。田市爲膠東王。田都爲
齊王。魏豹爲西魏王。司馬卬爲殷王。趙王歇爲代王。
張耳爲常山王。韓成爲韓王。韓廣爲遼東王。臧荼爲
燕王。

表元年一月
乃春二月也

注應劭曰諸侯王始受封之月也

十八王同時稱一月分楚爲四分秦爲四分齊爲三分趙爲二分燕魏韓爲二

吳芮傳高祖制詔御史

長沙王忠其定著令五年二月芮徙長沙贊曰高祖定天下異姓王者八國張耳吳芮彭越黥布臧荼盧縮兩韓信唯吳芮傳號五世著于甲令而稱忠

史

記惠景侯者表太史公讀列封至便侯

吳茂所封

曰有以

也夫長沙王者著令甲稱其忠焉

漢表高九年三

月丙戌封陸量侯須無詔以爲列諸侯自置吏令長受令長沙王

高帝五年天下之勢異姓強而同姓未有封者六年

異姓同姓強弱畧相當十二年而同姓強而異姓絕
無而僅有孝文後七年長沙國除

漢興至太初諸侯譜紀

史記自序漢興已來至於太初百年諸侯廢立分削
譜紀不明有司靡踵強弱之原云以世作漢興已來
諸侯年表第五

漢更封 益封

列傳陳平封戶牖侯高帝南過曲逆顧問御史戶口
幾何對曰始秦時三萬餘戶今見五十戶詔更封平
爲曲逆侯盡食之除前所食戶牖

平六出奇計輒益

邑封

樊噲賜爵列侯取信定楚更賜爵列侯爲

舞陽侯 酈商賜爵列侯食邑涿郡以破黥布軍更

封爲曲周侯 夏侯嬰號昭平侯取楚王信更食汝

陰從擊猛益千戶定食汝陰六千九百戶 益食細

陽千戶

靳歙賜爵建武侯定爲信武侯擊黥布有

功益封定食邑五千三百戶 周緤爲信武侯十六

年更封酈成侯 蕭何益封二千戶爲相國益封五

千戶 灌嬰破黥布益邑二千五百高帝歸定食額

陰五千戶

漢功臣世爵

高惠高后文功臣表杜業納說曰迹漢功臣亦皆剖符世爵受山河之誓

漢祠功臣廟庭 褒賞元功

魏志明帝青龍元年五月壬申詔禮大將軍侯端大司馬曹仁車騎將軍程昱於太祖廟庭詔曰先王之禮於功臣存則顯其爵祿沒則祭於大烝故漢氏功臣祠於廟庭

云云又見周禮司勳注魏元功之臣功勳優著終始未明者具依禮記

之於是以前等配饗

漢書陳崇奏高皇帝褒賞元功相蕭何邑

戶既倍又蒙殊禮奏事不各入殿不趨封其親屬十

有餘人

史記蕭何世家五年克項羽論功行封辟臣爭功歲餘不決上以何功最盛先封焉

鄴侯六年正月丙午封入千戶列侯畢受封上令何
第一賜帶劍履上殿入朝不趨高后二年封何夫人
同爲侯封何少子延筑
陽侯孝文元年更爲鄴

漢差次列侯功 列侯功次朝位

高后紀二年春正月詔曰高皇帝匡飭天下諸有功
者皆受分地爲列侯萬民大安莫不受休德朕思念
至於久遠而功名不著亡以尊大誼施後世今欲差
次列侯功以定朝位藏于高廟世世勿絕嗣子各襲
其功位其與列侯議定奏之丞相臣平言謹與絳侯
臣勃曲周侯臣商穎陰侯臣嬰安國侯臣陵等議列
侯幸得賜餐錢奉邑陛下加惠以功次定朝位

功大
首位

在上功臣表有第一第二之次臣請藏高廟奏可

表高后二年復丞相陳平蓋差

侯之功錄第下竟藏諸宗廟副在有司高祖功臣

博陵侯陳鼻位十九至陸量侯須無位百三十七皆

陳平所定高后元年七月丙申封沅陵侯吳陽位百三十六

王子侯表德哀侯

廣上邳侯郢客朱虛侯章

獨有位次

注張晏曰高后

二年詔丞相陳平令差第列侯位次高下故王子侯

三人有第三年之後皆不第史記高后紀七年秋

丞相平等言武信侯呂祿上侯位次第一蓋高第

定十八侯位次蕭何第一曹參第二張敖第三周勃

第四今盡諸侯朝位蕭曹皆死必遽遷張敖為第一

敖死遂以祿補其處耳

師古曰張敖無功蓋以魯元之故呂后尊之

晉庾峻曰漢祖任蕭曹以天下重四皓於南山以張良之勲而班在叔孫之後蓋公之賤而曹相咨之以政帝王貴德於上俗亦反本於下

漢列侯益邑

文紀元年六月詔曰列侯從高帝入蜀漢者六十八人益邑各三百戶

史記云益封

吏二千石以上從高帝

川守尊等十人食邑六百戶淮陽守申屠嘉等十人五百戶

表文二年

衛尉足等十人四百戶封淮南王舅趙

兼爲周陽侯齊王舅駟鈞靖郭侯

表云駟侯並四月辛未封

故常

山丞相蔡兼爲樊侯

兼從高祖六月丙寅封史記在秋

漢修代來功

文紀元年冬十月辛亥見高廟詔益封太尉勃邑萬

戶賜金五千斤丞相平將軍嬰邑各三千戶金二千

斤朱虛侯章襄平侯通各二千戶金千斤封典客劉

揭信陽侯賜金千斤十一月朔六月施惠天下乃修代

來功尊中尉宋昌爲衛將軍封壯武侯表四月諸從

朕六人官皆至九卿張武等薄昭以中大夫迎三

年五月幸太原見故群臣皆賜之舉功行賞諸民里

賜牛酒復晉陽中都民三歲租留游大原十餘日

文帝二年十月詔令剗侯之國爲吏及詔所止者遣

太子景帝後二年十月省徹侯之國

列傳悉就國自賈生廢之

漢建元功臣受封

史記建元以來侯者年表太史公曰匈奴攻當路塞
閩越擅伐東甌請降二夷交侵當盛漢之隆以此知
功臣受封侔於祖考矣大史本表自翕侯趙信至涅
陽侯子最計七十三人褚先生補當塗侯總七十七
人

索隱曰七十二國太史公舊餘四十五國褚先生補

元光侯者四元朔侯

者二十

唯公孫弘以丞相封

元狩侯者十三皆以匈

奴封元鼎侯者十六

唯姬嘉以周後藥大以方術石

慶以丞相封皆以匈奴南粵封

元封侯者十七以京

越甌駱南粵朝鮮西域封則時之用兵孰多孰少皆可知矣

漢元朔封諸校

衛青傳元朔五年春將三萬騎出高闕蘇建李沮公孫賀李蔡皆領屬車騎將軍出朔方李息張次公出右北平追右賢裨王引兵還塞天子使使者持大將軍印卽軍中拜青大將軍上曰青躬率戎士獲匈奴十有餘人蓋封八千七百戶封三子爲侯四月又圖

諸校功詔御史曰公孫敖以護軍傳校獲王封合騎

侯韓說以戲下博戰封龍雜侯四月丁未封賀南筭侯李

蔡樂安侯

四月乙巳封

李朔軹侯趙不虞隨成侯孫戎奴

從平侯

乙卯封

李沮李息及竇如意中郎將綰賜爵關

內侯沮息如意食邑三百戶

表元朔二年三月丙辰封長平侯傳曰以三

千八百戶封西定河南地益封三千八百戶再封凡

萬六千三百戶封三子為侯侯千三百戶并之二萬

二百

明年

元朔六年夏四月

青復將六將軍絕幕唯霍去病

有功封冠軍侯

壬申封擊匈奴侯

表以校

郝賢從大將軍捕虜

封終利侯

壬辰

騎士孟已賜關內侯邑二千戶

益封賜千金校尉張騫因前使絕域功封博望侯

三月甲辰

最大將軍青凡七出擊匈奴一與單于戰再益

封裨將者九人為特將者十五人李廣至蘇

建七人有傳李息至荀彧八人附傳末

李廣張騫公孫賀李蔡

襄韓說蘇建李息公孫敖李沮張次公趙信趙食其郭昌荀彧凡十五人

元狩四年夏去

病絕大幕獲單于章渠益封五千八百戶路博德捕

虜封邳離衛山封義陽復陸支杜侯伊卽軒衆利侯

六月丁卯封從票侯破奴武昌侯安稽益封各三百戶漁

陽守解校尉敢關內侯校尉自爲左庶長青不得益

封唯常惠遂成受賞

惠關內侯

最票騎將軍去病凡六出

擊匈奴其四出以將軍四益封凡萬七千七百戶其

校吏有功侯者六人爲將軍者二人路博德趙破奴

漢侯邑列位

見宗戚類

史記王子侯表斷自建元漢書起於高

祖始於羹頡侯信高七年終於杏

表記號謚名屬始

封位次子孫曾玄

漢開封賞科

續元功次

景武昭宣元成功臣表書稱蠻夷帥服詩云徐方既
俶春秋列潞子之爵許其慕諸夏也漢興至孝文時

乃有弓高襄城之封

注謂當築龍或以襄城爲韓明女表弓高侯韓贗當襄城侯韓

嬰以匈奴相國降文十六年六月丙子封雖自

敘曰景夷吳楚武興師旅後昆承平亦有紹土

外來本功臣後至

景帝欲封匈奴降者徐盧等

景帝其議初開封賞之科

年十二月丁丑

又有吳楚之事

六年四月丁卯封欒封徐盧等五人

四月乙巳封趙相內史等死事十四人

武興胡越之伐將帥受爵應本

約矣後世承平頗有勞臣輯而叙之續元功次云表

叙號謚姓名功狀戶數始封子孫曾玄孫孝景十人

人俞侯欒布至塞侯直不疑

中三年十一月庚子安陵侯五軍以匈奴王降

侯十二月丁丑封陸疆等五人皆匈奴降者中五年四月丁巳封盧宅之以東胡王降侯孝景十八內匈奴降者

孝武七十五人自翕侯趙信至丞父侯孫王

武匈奴降者二十一人又有自南越朝鮮小月氏降者

孝昭八人自秬侯金日

磾至義陽侯傅介子孝宣十一人自長羅侯常惠至

義成侯厲溫敦

宣匈奴降者二人

孝元一人義成侯甘延壽

孝成五人自駟望侯冷廣至樓虛侯皆順 李廣利

傳諸將多中首虜率爲侯者注師古曰率音律謂軍功

封賞之科著在法令者也 李蔡有功中率封樂安侯 平當傳上

既罷昌陵以淳于長建策下公卿議封長當以爲不

應封爵之科 陳湯傳劉向上疏常惠鄭吉皆裂土

受爵於是詔公卿議封議者以爲宜如軍法捕斬單

于令元帝取安遠侯故事封千戶匡衡石顯復爭乃

封延壽義成侯湯爵關內侯食邑各三百戶加賜黃

金百斤 一史記商君傳有軍功者各以率受上爵

漢封高祖功臣後

景紀二年六月封相國蕭何孫係為列侯。武紀元

光二年夏五月封高祖功臣後五人為列侯元符三

年五月封蕭何曾孫慶為列侯。功臣表杜業納

諡曰雖難盡繼宜從尤功成帝復紹蕭何哀平之世

增修曹參周勃之屬得其宜矣高祖功臣文帝紹封

四人樊噲子市人元年革朱子式軺蕭何孫則五年周

勃子亞夫後三年景帝十三人蕭何後嘉二年周緤中元

年周苛中元年周昌中二年酈商中三年薛歐陳淳

趙主夕杜恬並中元年陳賀郭亭並中六年周勃子

蕭子穎二人後元年武帝三人灌嬰孫賢元光

武帝三人灌嬰孫賢元光

二年

張敖後廣國

元光三年

蕭何曾孫慶

元狩二年

五月

宣帝一人蕭何玄孫建世

地節四年

成帝一人

何後喜

永始元年

哀帝一人曹參孫本世

元壽二

平帝三人周勃玄孫共樊噲後章張敖後慶忌

元

始二年

光武一人曹參孫宏

建武二年

陳平曾孫掌顯續封

不韓王信傳成帝時繼功臣後封贈兄子岑為龍

侯宣紀地節二年三月詔曰大司馬大將軍博

侯功德茂威朕甚嘉之復其後世疇其爵邑世世

有所與功如蕭相國丙吉傳成帝修廢功鴻

嘉元年封吉孫昌博陽侯杜欽傳繼功臣絕世當

世善政多出於欽

後韋彪傳建初七年

十月

車駕

西巡狩以彪行太常數召問以三輔舊事禮儀風俗

彪因建言今西巡舊都宜追錄高祖中宗功臣褒顯

先勲紀其子孫帝納之行至長安乃制詔京兆尹右

扶風求蕭何霍光後

丙辰祠以中李

明帝永平二年幸長安十一月甲申遣使者

以中李祠

蕭何霍光時光無苗裔唯封何末孫熊為鄮侯建初

二年已封曹參後湛為平陽侯故不復及焉

永元紹

封見後

漢復功臣家子孫

宣統元年庚申夏五月復高皇帝功臣繇僕周勃等

百三十六人家子孫奉祭祀世世不絕異母嗣者
復其次四年八月賜功臣適後黃金人二千斤 功

臣表

云云

建文景四五世間流民歸戶口息列侯大

者至三四萬戶小國自倍子孫驕逸訖于孝武後元之
年靡有子遺孝宣愍而錄之乃開廟滅覽舊籍詔令
有司求其子孫咸出庸保之中並受復除或加以金
帛用章中興之德 公士三十二人上造十二人
詹
畧十二人不更九人大夫三十一人官大夫二人公
大夫三人公乘二十八人五大夫一人官首一人乘
鐸一人士伍二人

漢本始論定策功益封

宣元本始元年正月論定策功益封大將軍光萬七千戶車騎將軍安世萬戶詔曰故丞相安平侯敞等與光安世建議定策以安宗廟其益封敞子忠及丞相陽平侯蔡義平陵侯范明友龍額侯韓增建平侯杜延年蒲侯蘇昌宜春侯王譚當塗侯平杜侯屠耆堂關內侯夏侯勝邑戶各有差封田廣明昌水侯趙充國營平侯田延年陽城侯史樂成爰氏侯王遷平丘侯周德蘇武李光劉德韋賢宋畸丙吉趙廣漢爵皆關內侯德武食邑 杜延年傳宣帝褒賞大臣延

年以定策安宗廟益封戶二千三百詔有司論定策
功大將軍光功德過絳侯周勃車騎將軍安世丞相
楊敞功比丞相陳平前將軍韓增御史大夫恭義功
比穎陰侯灌嬰太僕杜延年功比朱虛侯劉章後將
軍趙充國大司農田延年少府史樂成功比典客劉
揭皆封侯益土 紀地節二年三月詔曰大司馬大
將軍博陸功德茂盛復其後世疇其爵邑世世母有
所與功如蕭相國

漢元始修封功臣

平紀元始二年夏四月封霍光從父昆弟曾孫陽張

款玄孫慶忌周勃玄孫共樊噲玄孫之子章皆爲列
侯復爵賜商祖時功臣酈商等後玄孫酈明友等百
一十三人爵關內侯食邑各有差又見酈商傳
孫弘傳元始中修功臣後賜弘後子孫之次見爲適
者爵關內侯

漢紹周後 封孔子後

武紀贊禮百神紹周後 紀武帝元鼎四年十一月

行幸滎陽還至洛陽丁卯詔曰觀于周室邈而無祀

詢問耆老得孽子嘉其封嘉爲周子南君表云侯三

武天子將封泰山東巡狩至河南求周苗注初元五

嘉靖丙辰年 嘉靖丙辰年 每歲二十五年 三三 監生戴光先刊

年為周承休侯元始四年為鄭公建武十三年封於觀為衛公宣帝元康元年三月丙戌君延年紹封以

奉周祀

元帝初元五年正月癸巳以周子南君為

周承休侯位次諸侯王名延年成帝綏和元年二月

甲子詔曰王者存二王之後所以通三統也其封孔

吉為殷紹嘉侯三月進爵為公及周承休侯皆為公

地各百里平帝元始元年六月丙午封周公後公

孫相如表云公孫寬為褒魯侯後更為姬氏六月封寬十

後更孔子後孔均為褒成侯侯二奉其祀追謚孔子

曰褒成宣尼公四年改殷紹嘉公為宋公周承休公

褒成宣尼公

曰鄭公

恩澤侯表高帝修祀六國過魏寵無忌之

墓適趙封樂毅之後

十年八月封其孫叔樂鄉號華成君

孝武寵公孫

弘以列侯之爵又疇咨前代詢問耆老初得周後復

加爵邑其後宰相畢侯矣元成間晚得殷世以備賓

位梅福傳元帝時求商後分散爲十餘姓郡國往

往得其大家推求子孫絕不能紀匡衡議宜以孔子

世爲湯後上以其語不經遂寢成帝時梅福復言宜

封孔子後以奉湯祀綏和元年立二王後推迹古文

以左氏穀梁世本禮記相明遂封孔子世爲殷紹嘉公

光武紀建武二年五月庚辰

一云戊辰

封周後姬常爲

周承休公五年二月壬申封殷後孔安爲殷紹嘉公
十三年二月庚午以殷紹嘉公孔安爲宋公周承休
公姬常爲衛公以爲漢賔在三公上十四年四月辛

巳封孔子後志爲褒成侯祭遵傳遵建爲孔子立

後奏置五經大夫魏文帝黃初二年正月以議郎

孔羨爲宗聖侯晉武帝泰始三年十一月改宗聖侯

孔震爲奉聖亭侯太元十一年八月庚午封孔靖之

晉志宋後魏封孔乘爲宗聖大夫孝文太和十九年

封珍爲崇聖侯北齊改封恭聖侯後周武帝改鄒國

公隋煬帝改紹聖侯唐貞觀十一年封孔子齋德倫

為褒聖侯。開元二十七年，以其嗣為文宣公，任州長史。代代勿絕。唐世系表：周氏出姬姓，平王少子烈，食采汝墳。漢興，續周之嗣，復封仁為汝墳侯，賜號正公。

漢建武錄舊德臣

列傳：孫寶，建武中，錄舊德臣，以寶之孫伉為諸長。曹宏，建武中，先降河北，封平陽侯。至今，兩龔鮑宣子孫皆見褒表至大官。何並，孫為郎。王閔，子補吏。恩澤侯表：平昌侯王獲，建武五年，詔書復。

漢建武勳臣策封爵制名籍

光武紀建武二年春正月庚辰封功臣皆爲列侯大
國四縣餘各有差下詔曰人情得足苦於放縱快湏
吏之欲忘慎罰之義惟諸將業遠功大誠欲傳於無
窮宜如臨深淵如履薄冰戰戰慄慄日慎一日其顯
效未訓名籍未立者大鴻臚趣上朕將差而錄之博
士丁恭議曰古帝王封諸侯不過百里故利以建侯
取法於雷彊幹弱枝所以爲治也今封侯四縣不合
法制帝曰古之亡國皆以無道未嘗聞功臣地多而
滅亡者乃遣謁者即授印綬策曰在上不驕高而不
危制節謹度滿而不溢敬之戒之傳爾子孫長爲漢

藩 列傳泗水王歙建武二年立爲泗水王從父弟

康建武二年封宜春侯

以下並建武二年

李通封固始侯

拜大司農

鄧禹遣使者更封禹爲梁侯食四縣

寇恂定封雍奴侯食萬戶

馮異定封夏陽侯

二年春

賈復光武卽位拜爲執金吾封冠軍侯建武二年

益封穰朝陽二縣

吳漢光武卽位更封舞陽侯建

武二年春帝使使者璽書定封漢爲廣平侯食四縣

陳俊更封俊爲新處侯

蓋延更封安平侯

臧

官封成安侯

耿弇更封好畤侯食好畤美陽二縣

王霸更封富波侯

祭遵拜征虜將軍定封潁陽

侯春

任光更封阿陵侯食邑萬戶

李忠更封中

水侯食邑三千戶

萬修更封槐里侯

劉植更封

爲昌城侯

朱祐更封堵陽侯

景丹更封櫟陽侯

帝謂丹曰今關東故王國雖數縣不過櫟陽萬戶邑

夫富貴不歸故鄉加衣錦夜行故以封卿耳

林茂

更封苦陘侯

劉隆封元父侯

傅俊封昆陽侯

宋弘代王梁爲大司空封

邑侯

朱浮封武陽侯

食三縣

以上並建武二年封

陰識建武元年爲騎都尉更封

陰鄉侯二年以征伐軍功增封識叩頭讓曰天下初

定將帥有功者衆臣托屬掖庭仍加爵邑不可以示

天下帝甚美之以爲關都尉鎮函谷 馮勤爲郎中

給事尚書使典諸侯封事勤差量功次輕重國次遠

近地勢豐薄不相踰越自是封爵之制非勤不定升范

謂褒序輔拔封賞功臣
同符祖宗見祭遵傳

丁鴻父綝建武元年拜河

南太守及封功臣帝令各言所樂諸將皆占豐邑美

縣惟綝願封本鄉人謂綝曰人皆求縣子獨求鄉何

也綝曰昔孫叔敖敕其子受封必求境墉之地今綝

能薄功微得鄉亭厚矣封定陵新安鄉侯食邑五千

戶

漢功臣增邑更封 班勞策勳

光武紀建武十三年夏四月大司馬吳漢自蜀還京師於是大饗將士班勞策勲功臣爭邑更封凡二百六十五人其外威恩澤封者四十五人 列傳安成孝侯賜建武十三年更增戶邑定封爲安成侯奉朝請 鄧農更封南鄉侯入奉朝請 來歙帝嘉忠節復封歙弟由爲宜西侯 鄧禹天下平定諸功臣皆增戶邑定封禹爲高密侯食高密昌安夷安淳于四縣 馮異長子彰嗣更封彰東緡侯食三縣 岑彭子遵嗣帝思彭功復封遵弟淮爲穀陽侯 賈復定封膠東侯食郁秩壯武下密卽墨挺胡觀陽凡六縣

江六縣皆屬膠東國

蓋延增封定食萬戶

陳俊增邑定封

阿侯

臧宮增邑更封鄴侯

耿弇增邑戶上大

將軍印綬罷以列侯奉朝請

王霸增邑戶更封向

侯

朱祐增邑定封兩侯食邑七千三百戶

王梁

官邑定封封阜城侯

杜茂增邑更封脩侯

劉隆

官邑更封封竟陵侯

馬武增邑更封歙侯

樊宏封

丹爲射陽侯

以上並建武十三年封

漢永元紹封高祖功臣

景風紹封

紀永元三年十月癸未上行幸長安十一月癸卯

詔曰高祖功臣蕭曹爲首有傳世不絕之義曹相國

容城侯無嗣朕望長陵東門見二臣之壠可遣使
著以中牢祠大鴻臚求近親宜爲嗣者須景風紹封
以章厥功注春秋考異郵曰夏至四十五日景風至
則封有功二王世家因盛夏吉時定至史記索隱

屈嬰

案漢紀桓帝延熹二年追錄高祖功臣李必後

子遂爲關內侯

下邳惠王衍傳注和帝賜彭城靖

王恭詔曰其差次下邳諸子可爲太子者上名將及

景風拜授印綬

張宗傳論景風之賞未甄盧植姐

漢永初紹封建武元功

景風紹封

建武元功圖籍

獨異傳永初六年安帝下詔曰夫仁不遺親義不忘
勞善善及子孫古之典也光武受命中興恢弘聖緒
光耀萬世祉祚流行予末小子夙夜永思追惟勲烈
披圖按籍建武元功二十八將佐命虎臣識記有徵
蓋蕭曹紹封傳繼於今况此未遠而或乏祀朕甚愍
之其餘二十八將無嗣絕世若犯罪奪國應當統後
者分別署狀上將及景風章叙舊德顯茲遺功焉於
是紹封普子晨異曾為平鄉侯明年二十八將絕國
者皆紹封焉 鄧禹永初六年紹封禹孫康為夷安
侯時諸紹封者皆食故國半租康以太后戚屬猶三

分食二以侍祠侯 蓋延曾孫恢永初七年紹封盧

亭侯 李忠孫純復封琴亭侯 朱祐曾孫冲紹封

鬲侯 景丹孫遠紹封監亭侯 杜茂孫奉紹封安

樂亭侯 傅俊孫鐵復封高置亭侯 馬武孫震七

年謬亭侯 馬援傳紹封光子明爲合鄉侯 萬修

曾孫豐紹封曲平亭侯 蓋恢盧亭 李純琴亭

朱冲鬲侯 景遮監亭 杜奉安樂亭 傅鐵高置

亭 馬震謬亭 馬朗合鄉 萬豐曲平亭 並永初

七年封 馬廖元初三年紹封孫度爲潁陽侯 臧

宮永寧元年紹封曾孫由朗陵侯 陰識永寧九年

以璜弟琬紹封 邳彤元初元年封彤孫音爲平亭

侯 耿純建初三年肅宗追思純功紹封阜子盱孫

爲高亭侯 萬脩玄孫恭紹封明德亭侯 馬成玄

孫昌紹封益陽則延熹二年也 岑彭建光元年封曾孫杞

爲細陽侯 先是永平十四年竇融孫嘉封安豐建

初元年買復子邨封膠東宗封即墨二年耿純孫盱

封高亭八年吳漢孫盱封平春

魏祀佐命臣

魏志青龍元年五月壬申祀夏侯端曹仁程昱於太

祖廟庭正始四年七月祀曹真至典章五年十一月

嘉靖丙辰年 監生戴光先刊

癸卯祀荀攸六年十一月禘祭太祖廟始祀佐命臣
二十一人景元三年祀郭嘉 嘉平三年十一月有
司奏功臣享食更以官為次

二號不辭兩國之任其德厚也且奭不遜燕魯之封
其功大也陳思王疏 漢德之盛異姓而王者八人

魏祚之隆同功而邑者千戶唐神龍元年十一月五

王詔 武王勝殷之日報功不先於崇德位能不先
於建賢

晉泰始增封

武紀泰始元年十二月丁卯以石苞封樂陵公陳騫

高平公賈充魯公裴秀鉅鹿公荀勗濟北公鄭冲壽
光公王祥睢陵公何曾朗陵公王沉博陵公荀顗臨
淮公衛瓘菑陽公其餘增封進爵各有差 地理志
武帝泰始元年罷五等之制公侯邑萬戶以上爲大
國五千戶以上爲次國不滿千五百戶爲小國

晉大元紹功臣

孝武紀天元二年春正月繼絕世紹功臣 謝安傳

孝武時天象失度亢旱彌年安奏求晉初佐命功臣
後而封之 羊祜玄孫之子法典爲鉅平侯陳騫玄

孫高平公王沉從孫道素博陵公荀顗後常臨淮公

並大元中封

荀伯子謂羊祜勲參佐命功成平吳鉅平封宜同鄰國楚思子文之治晉錄

成宣
之忠

晉咸寧論次功臣 銘功大常

列傳荀顛咸寧初詔論次功臣將配饗宗廟所司奏
顛等十二人銘功大常配享清廟 鄭冲咸寧初有
司奏冲與安平王孚何曾賈充陳騫荀勗羊祜齊王
攸等十二人皆銘大常配食于廟 石苞咸寧初列
於銘享 裴秀咸寧初與石苞等並爲王功配享廟
庭 荀勗咸寧初爲佐命功臣列於銘享 羊祜以
晉泰始中建策代吳至咸寧末方加褒寵封其兄子

卜望之以咸和初殞身國難至興寧末方崇禮秩官
其孫子

晉陽秋曰泰始二年詔曰夏侯端魏之元功勲書竹
帛朕受禪於魏可忘其功臣哉宜擇近屬紹封之首
公達漢之功臣晉武爵其玄孫

成帝紀咸康二年

十月詔曰先代褒崇明祀賓禮三恪故祀宋啓土光
于周典宗姬侯衛垂美漢冊周漢之後絕而莫繼其
詳求衛公山陽公近屬可繼承其祀者依舊典

晉旌錄名賢

元帝紀大興元年十二月癸巳詔曰漢高經大梁美

無忌之賢齊師入魯脩柳下惠之墓其吳之高德名
賢或未旌錄者具條列以聞

晉論淮肥功

孝武紀太元八年十月乙亥諸將及符堅戰於肥水
大破之十一月庚申詔衛將軍謝安勞旋師於金城
十年十月丁亥論淮肥之功追封謝安廬陵郡公封
謝石南康公謝玄康樂公謝琰望蔡公桓伊永脩公
自餘封拜各有差

唐論太原首功

裴寂傳高祖論太原首功詔秦王裴寂劉文静怒二

死長順德至許世緒等十四人恕一死

六月賜人二萬段

京師平劉弘基功第一太宗手詔劉政會要義舉有殊功世充平

屈突通論功第一東都平冊勲於廟者九人實抗

與從弟執與

唐定功臣封戶 第功班賞

通鑑武德九年十月庚辰初定功臣實封有差

裴寂傳武德九年十月太宗定功臣封戶自寂以

下差功大小第之總四十三人寂戶千五百長孫無

忌王君廓尉遲敬德房玄齡杜如晦戶千三百長孫

順德崇紹羅藝趙郡王孝恭等四人戶千二百侯君
集張公謹劉師立等三人戶千李勣劉弘基等二人
之九百高士廉宇文士及秦叔寶程知節等四人戶
七百安興貴安脩仁唐儉實甄屈突通蕭瑀封德彝
劉義節等八人戶六百錢九龐樊與公孫武達李孟
嘗段志玄龐卿惲張亮李藥師杜淹元仲文十人戶
四百張長遜張平高李安遠李子和秦行師馬三寶
其人戶三百寂等三十人見於傳趙文恪等十八人
甚顯然參附義始事班班見當世今次第其名
左方 房玄齡得太宗即位第功班賞與

德君集功第一食邑一千三百戶餘皆次序

顧群臣曰朕論公等定封邑恐不能盡無有

諱以爲朕言之淮安王神通曰義師起臣兵最先至

今公齡以刀筆吏居第一臣來喻帝曰玄齡等有次

勝惟握定社稷功此蕭何所以先諸將也叔父以親

宜無愛者顧不可緣私與功臣競先後耳初將軍兵

師利等皆攻括攘袂或指畫自陳說見神通愧屈乃

曰陛下至不私其親吾屬可妄訴耶蘇安常傳

指河爲誓非李氏不王非功臣不封舊紀武德

九年九月己酉無忌封齊玄齡封邢敬德吳如晦

集路皆國公十月奏請計自裴寂食實封一千
五百戶至馬三寶三百戶李靖平頡利增戶至五百
會要武德九年九月二十四日己酉詔曰裴寂
昔王令典旌善念功有國彞訓無忘等或夙參謀
計綱錫帷幄或早從任使敷開戎麾無忘齊玄齡邢
敏德吳如晦萊君集滿邑各三千戶遣侍中陳叔達
於殿階下以名唱之神龍元年二月制段志玄至李
孟嘗二十六人所食實封給之如舊

唐力臣世封刺定

身紀貞觀十一年六月癸亥會要十以功臣孟世

封刺史十三年二月庚子

舊絕景子

停世封刺史

長孫

無忌傳帝欲功臣並世襲刺史乃詔有司朕憑賢佐
之力克翦多難時屯共資其力世安專享其利朕所
不敢刺史古諸侯雖名不同而監統一也無忌等嘉

庸懃績簡在朕心其改錫土宇用世及之制

詔曰周武定業

朕茅土於弟子漢高受命誓帶礪於功臣

及以無忌爲趙州刺史以趙爲

公房玄齡宋州刺史國於梁杜如晦贈密州刺史國

於萊李靖濮州國於衛高士廉申州國於申侯君集

陳州國於陳道宗鄂州王江夏孝恭觀州王河間尉

遲敬德宣州國於鄂李勣蘄州國於英段志玄金州

國於褒程知節普州國於盧劉弘基梁州國於夔張亮澧州國於勛凡十有四人無忌等辭帝曰公等薄山河之誓朕安可強公土宇耶遂止 馬周上疏謂宐賦以茅土疇以戶邑必有才行隨器而授雖幹翮非強亦可以免累 于志寧奏古今異時慕虛名遺實患非久安計帝皆從之

唐總章功臣二等

高宗紀顯慶五年正月甲子如并州二月丙戌加佐命功臣食別封者子孫二階大將軍府僚佐存者一階總章元年四月庚申三月云以太原元從西府功臣

爲二等第一功後官無五品者授其子若孫一人有
至五品四品者加二階三品以上加爵三等第二功
後官無五品者授其子若孫從六品一人有至五品
者加一階六品者二階三品以上爵一等

會要永

徽五年二月四日贈功臣屈突通至張平高官

實錄永徽

五年二月總章元年二月六日詔太原元從西府舊臣

令親詳覽其爲等級時皇后欲褒其父在功臣之上
自武士護以下至劉師立三十六人並爲第一功臣

唐開元紹封武德以來勲臣

舊紀開元元年

即先天元年

十二月詔國初以來宰相及

食實封功臣子孫量才擢用

〔褚無量傳〕開元五年

上言自古受命之君必興滅繼絕崇德報功願到東都收叙唐初逮今功臣世絕者雖在支庶咸得承襲帝納其言來武德以來勲臣苗裔絡續其封

〔玄宗

紀〕開元五年五月丙辰詔公侯子孫襲封十七年十

一月戊申大赦唐隆兩管立功三品以上子一子官

二十年十一月庚申如汾陰祠后土賜武德以來功

臣後及唐隆功臣三品以上一子官 實錄開元十

三年十一月封禪制武德以來功臣宰輔令所司訪

遺嗣天寶十三載二月詔武德功臣貞觀初宰輔與

子孫一人京官。通鑑開元二十年上思右驍衛將軍安金藏忠烈三月賜爵代國公於東西岳立碑以銘其功。

睿宗景龍四年六月辛丑賞平韋氏功

唐開元錄軍閥

郭虔瓘傳開元初錄軍閥

二年四月庚申累遷左驍衛將軍

兼北庭都護賜衣一襲

薛訥傳破吐蕃於武階

二年十月甲子帝命紫微舍人倪若水即軍陟功狀拜訥左

一作羽林大將軍

一云十月癸未

唐推恩令

監生王梅刊
實錄貞觀五年九月癸亥詔曰親賢作屏著在周
支庶畢侯義存漢典無忌玄齡如晦敬德各封一子
郡公君集子及叔寶知節各封一子縣公李賢之
已紀旂常推恩之令未洽胄緒俾拜前拜後比蹤
烈如帶如礪垂裕後昆

元和九年八月庚寅錄功臣後康日知至李洵等十
家 元和十五年二月穆宗制武德已來配享及
等功臣并張巡許遠南霽雲顏真卿杲卿尚父子
太師晟太尉秀實與子孫官有差六月舉勲賢

任臺省官者 長慶元年正月辛亥詔武德以來功

臣子孫重加獎用 韓愈元和聖德詩續功臣嗣

唐定將相功臣三等 史館勲臣

舊紀建中元年十二月丁酉令定國初已來將相功臣房玄齡等一百六十人 德宗紀大曆十四年五月癸亥卽位六月己亥武德至德將相有功者子孫與官 忠義傳武德功臣十六人貞觀功臣五十二

人至德功臣二百六十五人德宗卽位錄武德以來宰相及實封功臣子孫賜一子正員官史館攷勲名特高者九十二人以三等條奏第一等以其歲授官第二等以次年第三等子孫數訟於朝有詔差爲二

等增至百人十七人等武德以來宰相爲首功臣
次之至德以來將相又次之房玄齡至南霽雲八十
四人 右第一 竇威至姚閻一百五人 右第二 會要

大曆十四年六月一日制修武德以來宰相及實封
功臣子孫沉翳者量與一人正員官七月二十六日
吏部奏請委史館精加檢勘審定名跡至建中元年
九月五日史館奏武德以來功臣名跡崇高者司空
裴寂至徐國公劉幽求十一人爲第一等河間王孝
恭至中山郡公王賧等二十四人爲第二等河南王
神道至鄧國公張柬之三十四人爲第三等至德以來

將相功效明著已歿者冀國公裴冕至將軍南霁雲
八人第一等太尉臨淮王李光弼至睢陽太守許遠
八人爲第二等太子太師幽國公韋見素公國公崔
圓至太原尹鄧景山七人爲第三等勅付尚書省百
僚史官對定建中元年十二月勅國初以來將相功
臣各跡崇高功效明著者差次分爲二等其月武定
德以來宰臣以房玄齡杜如晦至韓休張九齡三十
七人爲上等竇威陳叔達等四十七人一云四
十人爲次
等功臣以裴寂劉文靜至王夔三十四人爲上等淮
安王神通等五十人爲次等至德以來將相已沒者

以裴冕至南霽雲十一人爲上等李光弼等十五人

爲次等

刪府元龜云二等
總一百八十七人

張巡傳德宗差次至德

以來將相功效尤著者以杲鄉履謙及巡遠霽雲爲
上 李光弼戰功推爲中興第一

至德二年十二月十五日戊午赦靈武元從劔南扈
從刪勲共三十二人自太子太師韋見素加三百戶
至戶部侍郎蘇震加銀青光祿

唐襲封配饗功臣

德宗紀貞元元年八月襲封配饗功臣子孫

會要

貞元元年八月詔九廟配饗功臣封襲廢絕者宜令

配饗功臣高祖廟六人淮南王神通河間

孝恭鄖公殷開山渝公劉政會武士彠魏公裴寂魯

公劉文靖太宗廟七人梁公房玄齡申公高士廉蔣

公屈突通鄭公魏徵趙公長孫無忌衛公李靖萊公

杜如晦高宗廟六人李勣張行成馬周褚遂良高季

輔劉仁軌中宗廟八人桓彥範敬暉張柬之崔玄暉

素恕已狄仁傑魏元忠王同皎睿宗廟二人蘇瓌劉

幽求玄宗廟三人張說郭元振王琚肅宗廟二人苗

晉卿裴冕代宗廟一人郭子儀大中四年五月李從

易奏武德以來功臣列在祀典三十八人詳見群祀類

貞元九年十一月郊祀畢詔九廟配享功臣封爵廢絕者令紹封。順宗即位制武德以來配享功臣與子孫一人正員官。元和二年正月辛卯有事南郊。錄配享功臣之後七月蘇瓌崔玄暉張說狄仁傑敬暉萊恕已之孫相次錄用焉。詔曰旌太傅之德將擬南城之封紹鄭侯之裔不俟東門之感。高皇封樂毅之後武帝求蕭嗣三年四月戊寅定張柬之等五王謚。太和五年七月癸卯錄功臣李靖等七家命以官。天復元年四月丙子武德貞觀配享功臣主祭子孫敘進之。

唐勳級十二轉

官志司勳掌官吏勳級十有二轉上柱國柱國上護軍護軍上輕車都尉輕車都尉上騎都尉騎都尉驍騎尉飛騎尉雲騎尉武騎尉元稹制曰十有二勳以馭親賢詔勞舊稽秩序行慶賜

宋朝淳化元年詔京官幕職州縣官始武騎尉朝官始騎都尉元豐六年十二月詔陞朝依宗室法始武騎尉政和三年二月庚寅罷之淳熙末議欲復之不果行今唯安南等三國加上柱國南丹州加武騎尉

唐異姓王

舊紀永泰元年閏十月景午封朔方大將軍孫守亮

等九人爲異姓王李國臣等十三人爲同姓王

將帥封王

自天寶九載始

宋朝配饗功臣

見圖繪名臣類

慶曆定勲臣名次 政和定勲臣

慶曆三年十一月二十八日命天章閣待制王洙集賢校理歐陽脩就國史院同詳定國朝勲臣名次上之詔本家旣無人食祿者錄其子孫一人自樞密使曹彬而下至邵晔凡二百四人先是元年十一月丙寅詔錄用功臣後 政和三年二月二十四日鄭久

中奉旨考定勲德臣僚共一百一十六人三朝二十八人兩朝六十六人神宗朝二十二人以列傳先後爲次錄爲一冊以政和詳定國朝臣僚勲德爲名先是崇寧三年十月十六日命中書舍人林摠編類六朝勲臣

天聖八年十二月辛丑詔翰林學士宋綬天章待制范諷以七年五月庚午詔書考次國朝以來文武官子孫合推恩者以聞景祐二年十二月癸酉詔翰林承旨章得象中丞杜衍知制誥李淑編次敕書所訪本朝臣僚子孫以名聞先是十一月乙未制

三年五

月庚辰錄李昉至彭起之後寶元二年四月乙丑詔
御史臺編撰勲臣少卿監及正刺以上子孫

至和封孔子後

太平興國三年十月以孔宜襲封文宣公至和二年
太常博士祖無擇言文宣王四十七代孫宗願襲封
文宣公謹按前史在漢魏曰褒成宗聖晉宋曰奉聖
後漢延興三年四月曰崇聖北齊大保元年六月曰
恭聖後周隋並封以鄒國隋大業四年十月丙午立
孔子後爲紹聖侯唐初正觀十一年曰褒聖武后封
孔子爲
降道公神龍元年五月以鄒魯之邑百戶爲采邑授褒聖侯崇基開元二十七年

年始追謚文宣王以其後爲文宣公不可以祖謚而加後嗣也請詔有司別定美號於是二月丙子詔封爲衍聖公令世襲元祐元年十月乙酉朔改爲奉聖公除寄祿官主祠事不領他職增賜田百頃賜書置教授一員從鴻臚卿孔宗翰之言也

紹興錄用六朝勲臣

紹興三年七月丁卯詔錄用六朝勲臣自曹彬至藍元振三百二十人子孫先是徽猷閣待制宋伯友入對言功臣子孫凋喪殆盡乞訪其後量才錄用故有是詔其後得趙普趙安仁范質錢若水諸孫皆官之

慶曆三年初定曹彬至鄴勝二百四人政和三年

重增范質至藍元振一百十六人

紹興三十二年

孝宗即位

九月乙巳凌景夏言元祐黨禁

如彥博光公著等及靖康建炎以來忠臣義士皆畧而未編願精加討論修纂成書子孫咸與甄錄詔委編類聖政所修纂

乾道定十三戰功

會要乾道二年八月二十四日甲午詔諸軍將士與金人接戰守禦立功之人其間功效顯著者無以甄別今將戰功顯著處一十三項定立格日張俊明州

城下韓世忠大儀鎮吳玠殺金平和尚原劉錡順昌府五處依紹興十年九月二十二日旨揮李寶密州膠西唐島劉錡楊州皂角林王琪張振等建康采石渡邵宏淵真州胥浦橋吳琪李道光化軍茨湖張子蓋解圍泗州趙搏蔡州王宜確山八處依紹興三十二年十二月十七日旨揮。

李壁中興十三處戰功錄序云漢吳芮之功載于令甲而稱忠中興十三處戰功亦列於銓法

張俊明州 建炎三年十二月己卯上次明州丙申張俊自越州至金虜追襲乘輿將犯明州隱士劉相

三治卷之三十三 三百八十一列位
如勸俊迎戰。遂留抗虜。癸卯賊至城下。俊令統制劉寶與之戰。兵少却。楊沂中田師中趙密與之戰。又不勝。知州劉洪道率州兵射其傍。大破之。殺數千人。俊戒將士清野。高橋閉關自守。四年正月乙巳虜犯明州。田高橋攻西門。俊守備甚設。與洪道坐城樓上。遣楊沂中等出精兵擊之。虜奔北。俊急令收兵。虜拔寨去。巳酉俊奏捷。

吳玠和尚原 建炎四年九月王師潰于富平。十月吳玠收合散卒。視大散關之東。有險曰和尚原。據險列柵以守。而賊已至原下。玠敗之。紹興元年五月沒。

立與烏魯折合分兩道入寇玠駐和尚原與弟璘召諸將勵以忠義爲備益力已而折合先至陳干原北玠與諸將列陣待之折合大敗沒立攻箭箬關玠選將擊退之十月兀朮欲窺蜀造浮橋渡渭來犯我玠斷其糧道乙亥與戰三十餘陣兀朮遁

吳玠饒風嶺 紹興三年金州失守玠自河池率麾下馳至饒風以黃甘犒大酋撒離曷大驚因不敢進玠得以暇治兵二月虜至關下賊敗明虜之戰饒風也勁卒幾十萬而我以三萬人當之

吳玠殺金平 紹興四年二月賊復大入關道仙人

關高嶺立柵下賊玠營關旁有險號殺金平玠堅壘以拒虜直攻玠營玠以萬人當其前吳璘倍道入援力戰却之賊奔潰飲兵宵遁閱十餘日前後百戰

韓世忠大儀 紹興四年兀木入寇韓世忠以宣撫使駐鎮江遂自鎮江濟師世忠駐大儀以當淮泗之寇會魏良臣使虜至維揚置酒送別夷牌齎至良臣問故世忠曰有詔移屯守江乃撒炊爨班師良臣去世忠令曰視吾鞭所向先行至大儀勒兵爲五陣設伏二十餘處下令聞嚴鼓則起擊良臣至虜虜問勦息以所見對兀木喜直趨江口至大儀五里伏者四

發虜軍亂世忠麾勁默蹂之虜奔潰禽其驍將軍等
大震世忠窮追于淮虜復奔潰 十月

劉錡順昌 紹興十年春以騎帥劉錡副守東都奉
旨分屯順昌中夏抵順昌兀木已入東京矣虜圍城
錡設伏以待夜半劫虜營拔寨退走 六月

張子蓋解圍海州 紹興三十一年逆亮犯淮詔除
張子蓋鎮江都統三十二年虜圍海州急子蓋渡江
至楚州先趨連水擇便道以進五月至石秋堰賊再
陣於海州子蓋馳馬先之諸將踊躍而進大敗復率
精銳追擊獲鎧仗萬計還定海州

李寶海道

紹興三十一年逆亮治舟師高密欲泛

海道襲浙江上曰李寶循海道來歸必能辦事令督護平江海船寶請徙守江陰從之八月甲寅進發十月庚子抵東海虜已圍海州寶麾兵奮擊虜引去招納降附聲振山東乙丑至密之膠西虜舟已泊唐島翌日過山薄虜虜驚追失措寶命熾火箭環射之箭之所中煙焰隨發延燒百俘漢軍三千餘人

邵宏淵胥浦僑

紹興三十一年以宏淵爲步軍都

統制十一月完顏亮入寇宏淵願獨當一面亮以軍趨六合欲斷劉錡軍後宏淵急引兵至六合虜愕不

敢進諸將乞退保胥浦橋宏淵從之自將銳士擊
所向無窮既而劉錡班師虜騎追及知宏淵殿遂不
敢逼亮臨江無一舟可渡宏淵之力也

虞允文采石

紹興三十一年

辛巳

逆亮敗盟十月

下詔親征遣樞臣葉義問督視中書舍人虞允文參
贊十一月亮統軍駐和州之雞籠山必欲由采石而
渡命允文趣李顯忠代王權允文徑趨采石虜瞰江
築高臺亮麾衆渡江時諸將未有統屬惟提舉張振
王琪奮然任責允文益勉琪等列軍爲陣分戈船爲
五虜與官軍步戰時俊出陣盪擊戈船併進虜舟皆

沉沒水爲之舟會淮西潰軍有從光州至者卽授以
旗鼓虜以爲援兵至引餘舟遁亮愈怒乃回揚州於
是諸酋共謀弑亮矣

李道光化次湖

一作茨湖在漢江之南

紹興三十一年逆亮

寇淮十月虜帥劉萼領兵入光化時李道爲荆南都
統發張進董江領統卒萬人獨當次湖與之對壘無
日不戰十二月劉萼毀光化屋作船楫以度江道激
厲將士下水壘擊盡奪船楫虜遁遂復光化復遣兵
邀擊之累戰皆捷河洛震動

劉錡皂角林

紹興三十一年劉錡爲鎮江都統除

浙西等路制置使錡誓以死報國九月亮入寇除京
畿等招討使十月虜將高景山以兵擣瓜州錡遣裨
將員琦設伏於皂角林與虜戰破之斬景山

王宜汲靖確山 紹興三十一年十二月王師克蔡

州三十二年二月金人圍之統制王宜以左右軍應
援至確山宣據山而陣將左皆未戰宣屬目汲靖靖
虓勇善用大刀至是挺出曰虜騎雖盛擊之當破宜
與騎二百率衆馳入虜陣虜皆披靡不敢迎靖持鐵
鞭擊賊諸軍鼓勇爭進乙丑虜大敗遁走宣整衆而
還確山之功惟靖第

按乾道降旨無饒風嶺而有趙樽蔡州

當攷

紹興

三十一年十二月己亥朔司馬中軍統制趙樽復蔡州金人所命刺史蕭懋德聞樽至披城爲寨相距兩日不出戰至是夜漏未盡樽命將士潛師入城城無樓櫓不可守懋德遁去

紹興六年十月楊沂中敗僞齊于藕塘不與十三戰功之列以所捷非金虜故也

功臣號

功臣舊制自推忠佐理至保運經邦二十二字以賜中書密院臣僚自推忠保德至効順順化三十八字

以賜皇子皇親文武官外臣自拱衛翊衛至果毅肅
衛二十字以賜諸班直將士 神宗卽位不受徽號
元豐元年十一月己亥二十九日宰臣吳充等言功臣非
古始唐德宗多難之際乃賜奉天定難之號不應盛
世猶襲陳跡於是罷功臣號 紹興六年四月復賜
中興後加賜者三人而已 韓世忠張俊劉光世 此外
唯安南國王加功臣號

祿秩

爵祿之制至周而備諸侯去其籍其詳不可得聞

三代而下祿秩至漢而詳然表所載與諸家所叙
亦有異同

周司祿

地官司祿中士四人下士八人

主班祿闕

大司徒

十二教以庸制祿

稟人待稍食

稟人乘其事以下

上其食

天官大宰八柄祿以馭富

內宰掌其稍

食 宮正均其稍食

宮伯行其秩叙月終則均秩

酒正月有秩酒者以書契授之

醫師歲終稽醫

事制其食

春官天府祭天之司祿

注文昌第六星或曰下龍也

內史王制祿則贊爲之以方出之

鄭司農引上農夫食九人至米

十卿祿玄謂王制曰王之三公視公
侯卿視伯大夫視子男元士視附庸

夏官司士以

德詔爵以功詔祿以能詔事以久奠食唯賜無常

賜

少由王不如

三歲稽士任而進退其爵祿

周官之制

祿食有常品

校人等馭夫之祿宮中之稍食

一命以

而後有祿

上謂之 孟子文王治岐仕者世祿

樂記武

王克毀庶士倍祿

晉語秦后子楚公子子來求仕

叔向爲太傅實賦祿韓宣子問二公子之祿對曰大

國之卿一旅之田上大夫一卒之田二公子上大夫

皆一卒可也爵以建事祿以食爵德以賦之功庸以

稱之若之何以富賦祿也文公屬百官賦職任功公

食貢大夫食邑十食田庶人食功工商食宮皂隸食

職官宰食家

衛免餘曰唯卿備百邑

管子桓公爲

賦祿之制賦祿以粟案田而稅

荀子管仲書社三

百

戰國策葉公子高食田六百畝

王制正義大

夫以下位卑祿小故大小國不殊卿與君祿重位尊
故祿隨國之大小爲節春秋以來卿大夫祿地多踰
古制晉惠公許里克以汾陽之田百萬平鄭以負蔡
之地七十萬伯氏駢邑三百魯施氏之宰有百室之
邑鄭子產以上卿受八邑宋與左師邑六十齊與晏
子邑六十

古者制祿不計錢故陸贄曰三代以食人衆寡爲差
兩漢以石數多少爲秩史記燕噲自三百石吏以上
而效之以石計祿始見於此秦范雎曰自斗食以上
有非相國之人者乎王翦歸斗食以下秩呂不韋舍
人六百戶以上奪爵以此考之漢人祿秩太率皆秦
制其間小有增損耳孟子論周室制祿自上農夫食
九人積之原思爲宰與粟九百孟子爲齊卿其祿十
萬鍾自古至秦漢無不以穀粟制祿也

漢秩祿令

見律令類

百官受奉例

後百官志百官受奉例大將軍三公奉月三百五十

斛中二千石月百八斗斛二千石月百二十斛比二
千石月百斛千石月八十斛六百石月七十斛比六
百石月五十斛四百石月四十五斛比四百石月四
十斛三百石月四十斛比三百石月三十七斛二百
石月三十斛比二百石月二十七斛百石月十六斛
斗食月十一斛佐史月八斛凡諸受奉半錢半穀古
注建武二十六年四月戊戌增吏奉注荀綽晉百官表注曰漢殤帝延
平中中二千石奉錢九千米七十二斛真二千石月
錢六千五百米三十六斛云云百石月錢八百米四

斛八斗

外戚傳俗華秩視真二千

石注中二千石之下，二千石之上。注師古曰：真二千石，月得百五十斛，一歲凡得千八百石。汲黯傳以

諸侯相秩居淮陽。注如淳曰：律真二千石，月百五十

斛，歲得千八百石。二千石，月得百二十斛。臣瓚注：詹事引茂陵

書秩真二千石，而百官表乃無此。東京有之。

薛宣傳為大司農，斗食屬

注師古曰：斗食者，祿少一歲不滿百石。通典漢志

自中二千石至百石，凡十一等。其時亦有奉錢之差

貢禹為諫，大夫秩八百石，奉錢月九千二百。為光祿

大夫，秩二千石，奉錢月萬二千。列傳東方朔待制

錢二百四十。霍去病傳：定令驃騎將軍秩祿與

大將軍等

趙廣漢、秦長安、游徼、獄史秩百石

注特增其

秩以厲其行

蓋寬饒為司隸校尉，奉錢月數千

張敞

本以卿有秩

周仁以二千石祿

張歐以上大夫

祿歸老

制秩之權有三，或升秩以答勲勞，或加秩以示恩義，或貶秩以責功效。蘇武為典屬國，乘馬延為將作大匠，皆升中二千石，蓋升秩之例。霍光增符璽，即秩二等。元帝加司隸諸葛豐秩光祿大夫，蓋加秩之例。黃霸遷潁川太守，官以八百石，居京兆尹。趙廣漢、秦長安、游徼、獄史秩百石，蓋貶秩之例。仲長統昌言曰：薄吏祿以

以豐軍用緣於秦行諸侯續以

改更

漢益吏奉

紀宣帝神爵三年八月詔曰吏不廉平則治道衰今小吏皆勤事而奉祿薄欲無侵漁百姓難矣其益吏

百石已下俸十五

應邵漢書

倉廩實而知禮節衣食足而知

榮辱今小吏奉率不足可以什

乃益天下吏奉十二王褒諫

廉元帝建昭二年三月益三河郡太守秩

三年

夏令三輔都尉大郡都尉秩皆二千石成帝陽朔

二年夏五月除吏六百石五百石秩綏和元年四月

益大司馬大司空奉如丞相

如淳曰律丞相大司馬大將軍奉錢月六萬御

史大夫奉月四萬

二年六月哀帝即位益吏三百石以下奉

平帝元始元年正月詔吏在位二百石以上一切

滿秩如貞

如淳曰諸官初除皆廼為真食全奉帝即位

漢增秩

循吏傳宣帝時二千石有治理效輒以璽書勉厲遷

秩賜金 王成爲膠東相治有聲賜秩中二千石

黃霸守潁川秩以八百石居之如前賜秩中二千石

如淳

曰太守雖號二千石有千石八百石居者有功德茂異乃得滿秩

召信臣守南陽

爲百姓興利又爲河南守治行第一數增秩賜金

相秩居淮陽 王尊爲東郡太守

秩中二千石

延壽爲小黃令舉最當遷三老官

秩 蕭咸爲弘農河東守所居

有迹數增秩賜金

蕭由守江夏平江賊有功賜秩

秩中二千石 陳立爲巴郡守

伯遷水衡都尉秩中二千石

秩二等 後傳祭彤爲襄贛令

政清璽書勉勵增秩一等

百官奉

年正月詔有司增百官奉其千

制六百石以下增於舊秩注續
奉月二百五十斛秩中二千石
石月百二十斛比二千石月百
百石月七十斛比六百石月五
十斛比四百石月四十五斛三
百石月三十七斛二百石月三
十七斛百石月十六斛斗食月
凡諸受奉錢穀各半 按此詔
百官表參合其數自此二千石
見其減唯前千石九十斛此

作八十前比六百石六百斛此作五十五其餘無增
損又據後百官志載百官受奉例古今注曰建武二
十六年四月戊戌增吏奉然以此詔參之志比六百
石月五十斛此增其五斛四百石四十五斛比四百
石四十斛此各增其五斛所謂增者止此他皆舊數
志比六百石五十斛四百石四十五斛比四百石四
十斛又比紀注遞減五斛 紀云正月古今注云四
月戊戌未知孰是或以爲正月下詔四月定制或曰
師古注乃東京制自千石以上以歲計之常不滿其
數必東京所減自千石以下以歲計之常有奇而過

數必東京所增

明帝永平四年二月辛亥詔再得時雨賜公卿半奉
安帝永初四年又減百官及州郡奉各有差 桓
帝延熹五年十月假公卿以下奉助軍 馮緄傳每
出征伐常減公卿奉祿

漢月奉

禮大宰注祿若今月奉也疏古者祿皆月別給之漢
之月奉亦月給之故云若今月奉

高后紀列侯幸得賜餐錢奉邑注師古曰餐錢賜厨
膳錢也奉邑本所食邑也

左雄上疏曰守相長吏有顯效者可就增秩勿移
鄉部親民之吏清白任從政者增其秩祿

晉增吏奉

武帝紀泰始三年九月甲申詔曰古者以德詔爵以
庸制祿雖下士猶食上農今在位者祿不代耕非崇
化之本也其議增吏奉賜王公以下帛有差
元魏太和八年六月丁卯始班俸祿

唐武德貞觀給祿百官俸秩

食貨志武德元年文武官給祿頗減隋制一品七百
石至從九品三十石皆以歲給之外官則否貞觀初

中書舍人高季輔言

會要季輔表在八年

外官品卑貧匱宜給

祿養親自後以地租春秋給京官歲凡五十萬一千

五百餘斛外官降京官一等一品以五十石爲一等

至八品九品以二十五斗爲一等無粟則以鹽爲祿

太宗紀

貞觀二年二月戊戌外官上考者給祿三

年正月癸丑官得上下考者給祿一年

官志比部

會內外俸祿大府卿凡百俸秩謹其出納

唐永徽京官俸料

食貨志武德中百官及州縣皆有公廨田供公私之

費其後以用度不足京官有奉賜而已諸司置公廨

大錢以貿易取息貞觀十二年罷之以上戶七千人

爲胥士視防閤制而收其課計官多少而給之十五

年復置公廨本錢以令史主之褚遂良諫乃罷復詔

給百官俸

會要貞觀十二年三月遂良上疏二十三日勅停捉錢令史二十一年三月七日復

置公廨

永徽元年

四月二日

以租邸直爲百官俸料其後又

薄一歲稅以高戶主之月收息給俸尋釧以稅錢給

之歲總十五萬二千七百三十緡一品月俸八千至

九品月俸一千五十又有防閤庶僕防閤自一品九

十六人至九品三十四人庶僕自六品十五人至九

品二人外官以州府縣上中下爲差儀鳳三年王公

以下率口出錢以充百官俸食防閭庶僕邑士仗身

封戶

八月二日令王公以下百姓以上率口出錢以充俸料

唐開元制祿

通鑑綱目開元六年八月始加賦以給官俸祕書少監崔沔請計州縣官奉常賦之外徵有所加以給之

志開元十年罷天下公廨本錢復稅戶以給百官

會要十年正月二十一日癸亥十八年九月四日復籍稅錢爲本收贏以

給外官復置公廨本錢收贏十之六二十四年六月二十

日令百官防閭庶僕俸食以月給之總稱月俸一品

錢三萬二千至九品千九百一十七祿米則歲再給

之一品七百斛至從九品五十二斛外官降一等兵
興權臣增領諸使日給厚奉比開元制祿數倍

通

鑑開元二十四年六月初分月給百官俸錢

會要

天寶十四年八月四日詔文武九品以上官月俸十
分加二同正官加一分至德二年後內外官不給料
錢乾元元年外官給半二年九月五日量給京官俸
料

唐大曆制祿 貞元增百官俸 百官俸

錢數

志天曆中權臣月俸有至九十萬者刺史亦至十萬

揚綰常袞為相奏增正員官及觀察團練以下料錢
初檢校官同平章事者月給錢十二萬至是判度支
韓滉請同正官從高給之 加京官奉歲約十五萬六

千餘緡

文官千八百五十四員武官九百四十二員

月俸二十六萬緡而增給者居三之一

會要大曆十二年四月二

八日巳酉度支奏自三帥月料錢一百二十貫至
參軍錄事十貫是日加給文王九品以上正員月奉
六月七日滉奏建中三年閏正月復減百官料錢三
檢校官同正員

分省一以助軍

李泌為相奏又增百官及畿內官月

俸復置手力資課歲給錢六十一萬六千餘緡文官
千八百九十二員武官八百九十六員左右衛上將

軍以下又有六雜給米鹽私馬手刀隨身春冬服比

大曆制祿又厚矣

貞元三年六月史月俸至千緡

京官李沔傳時州制祿薄必以外

太重內太輕請隨官問刺普增其奉

自李泌增百官奉當時以爲不可

駿削矣然有名存而職廢額去而奉在者李吉甫建

議減之遂爲常法

會要貞元三年十一月二十六日勅京官及京兆府縣官加給料錢

四年正月十六日勅京文武及京兆府縣官三千七十七員元給及新加每月當錢五萬一千四百四員

六百七十七一年當六十一萬六千八百五十五貫四百四

唐世百官奉錢會昌後

不復增減今著其數凡四十四等三師錢二百萬三

公百六十萬以十萬減之至太子太傅百四十萬少

傅百萬節度使三十萬監軍半之觀察使十萬左右

丞侍郎至上州刺史八萬少卿七萬以五千減之至
貲外郎及上縣令四萬又降殺爲五等至上縣丞三
萬又降殺爲三等至薄尉二萬又擇殺爲六等至上
州叅軍博士萬五千又降殺爲七等至歸德執戟長
上一萬又降殺爲八等至十六衛左右中郎將二千
八百五十 **楊綰傳**定州府官月廩使健狹相均兵
興從權宜官品同而祿例差及四方粗定元王當國
偷以爲利因不改故江淮大州月千緡而山嶺上州
刺史止數十緡及此始復太平舊制 **會要**元和十
三年六月定德棣四州吏奉十四年四月重定淮西

州縣奉 李吉甫傳國家之制官一品奉三千職田

祿米大抵千石大曆時權臣月奉至九千緡州刺史
無大小皆千緡宰相常袞始爲裁限至李泌量閑劇
增之使相通 然有名在職廢俸存額去仍詔給事

中段平仲中書舍人韋貫之兵部侍郎許孟容戶部

侍郎李絳參閱蠲錢凡省冗官八百員史千四百員

會要元和九年九月
見省官額

祥符定百官俸 糧料三院

乾德四年七月丁亥詔州縣復置俸戶

漢乾祐三年
於中等置俸

戶開寶三年七月壬子減州縣官而益俸四年十一

月詔幕職官置奉戶

太祖定俸戶之制修益奉之令猶以爲煩民也於是出庫財以

賦吏

太平興國元年十一月戊辰詔罷兩京及諸道

俸戶月俸並以官物給之二年二月辛酉詔以度支
官錢給其三分之一四月壬寅增劔南幕官俸月增
五千七年八月乙亥刑寺官俸增給見錢雍熙四年
十一月庚辰詔內外文武官舊給八分自今並以實
價給之端拱元年六月甲申詔幕職州縣官半給緡
錢淳化元年五月甲午詔致仕給半俸四年十一月

子增幕職州縣官奉緡錢景德三年五月丙辰增
州縣俸四年九月壬申詔給緡錢六分 祥符五

十一月甲辰詔定加文武職官月俸自三師三公百
二十貫至殿直侍禁增之二三貫各有差八年十二月

庚寅詔料錢復給見續景祐二年六月十九日詔致

任官給俸寶元二年命近臣去浮費六月壬戌丙戌

詔百官奉母得裁減慶曆四年三月壬申給巡尉俸

緡錢 熙寧四年九月癸卯增令祿曹官簿尉俸

自唐貞元四年定百官俸至天祐中止給其半梁開

平三年始全給唐同光復虛折周顯德三年復給實

錢皇朝大凡約後唐所定數真宗承二聖恭儉之餘

始議增給至道三年八月壬寅真宗令有司重定百官俸

開寶六年二月辛丑以陸光範等爲兩京糧料使舊
制用三司大將今改用京官太平興國五年正月分
糧料諸司馬步軍爲三院命劉錫燕咸一趙冕分掌
之八年合馬步軍爲一院雍熙四年四月後復分馬
步軍爲兩院

熙寧三年始制天下吏祿而設重法以絕請托之弊
是歲京師諸司歲支吏祿錢三千八百三十四貫二
百五十四至八百歲支三十七萬一千五百三十三
貫一百七十八元豐中自尚書侍郎至胥徒府史
與庶人在官者咸制祿增俸

嘉祐祿令

見律令類

二年十月丙午頒嘉祐祿令四年正月壬寅頒嘉祐
驛令

紹興重修祿秩新書

紹興六年九月二十一日丁亥右相張浚上重修祿
秩新書敕二卷令三卷格二十五卷申明十五卷目
錄十三卷修書旨揮一卷共五十八卷看詳百四十
七卷吏部侍郎晏端復戶部侍郎王俛等上乞鑿板
施行八年十月三日丙辰右相繪等續上重修祿秩
一卷祿令二卷祿格十五卷在京祿秩一卷祿令一

卷祿格十二卷詔自九年正月朔行之以紹興重修
祿秩勅令格爲名及申明看詳八百十卷先有詔將
嘉祐熙寧大觀祿令并政和祿令格及續降旨揮編
修至是續修上之

玉海卷第一百三十五